



გამოცემის  
102-ე წელი

www.gazetiajara.ge

# ქვეყნა

ბამონის: სამშაბათს, ხუთშაბათს, შაბათს

№144 (25.024)

შაბათი, 31 დეკემბერი, 2022 წ. - 9 იანვარი, 2023 წ. 50 თეთრი

გარემოს ეროვნული სააგენტოს აჭარის პირობათმცოდნეობის ინსტიტუტის რეგისტრირებული მოსალოდნელი



დღეს მოსალოდნელია ცვალებადი მოღრუბლულობა, უნალექოდ, ცვალებადი მიმართულების ქარი - 10-15 მეტრი წამში, ტემპერატურა სანაპირო და შიდა მთიან რაიონებში - 10-15, მაღალ მთაში - 5-10 გრადუსი სითბო.

ზღვის წყლის ტემპერატურა 12 გრადუსია, ატმოსფერული წნევა - 760 მილიმეტრი.

მომდევნო 2 დღეს მოსალოდნელია უნალექო ამინდი.

## კრიკოსი N იუსი

საქართველოს დამოუკიდებლობის ისტორიაში პირველად, ქვეყანას მიყოლებით აქვს ორნიშნა ეკონომიკური ზრდა, - ამის შედეგად ეკონომიკისა და მდგრადი განვითარების მინისტრმა ლევან დავითაშვილმა განაცხადა. ეკონომიკური ზრდასა და სხვადასხვა სექტორის როცა ვუყურებთ, ერთ-ერთი განმაპირობებელია სატრანსპორტო დასაწყობების მომსახურება, სადაც მნიშვნელოვანი შედეგები გვაქვს, იმიტომ, რომ ჩვენს დერეფანში ტვირთსა და გაზარდა. ასევე, ტურისტული ნაკადების სწრაფი აღდგენა მოგვხარბობს. ქვეყანამ 3.2. მილიარდი დოლარის შემოსავალი მიიღო, - აღნიშნა მინისტრმა.

ცესკოს თავმჯდომარისა და წევრის თანამდებობებზე ასარჩევად პრეზიდენტის მიერ შეთავაზებული კანდიდატურები პარლამენტის ბიუროს წარდგინა და საკითხი განსახილველად იურიდიულ კომიტეტს გადაეცა. სალომე ზურაბიშვილმა პარლამენტს ცესკოს თავმჯდომარის თანამდებობაზე გიორგი შაიშვილაშვილისა და ნუნუ ბებიას, ხოლო ცესკოს წევრის ერთ თანამდებობაზე - რუსუდან ქურდიანისა და თამაზ ფოლადაშვილის კანდიდატურები შესთავაზა, ცესკოს წევრის კიდევ ერთ თანამდებობაზე კი კონკურსი გამოცხადდა. ხელახალი წარდგენა მას შემდეგ გახდა საჭირო, რაც პარლამენტმა ყველა წარდგენილი კანდიდატურა ჩააგდო.

მიმდინარე წლის განმავლობაში საპარლამენტო და საკომიტეტო სხდომების არასაპატიო მიზეზით გაცდენების გამო, დებუტატებისთვის ხელფასიდან დაქვითული თანხა 80 ათასი ლარია. პარლამენტის ხაზინადართა საბჭოს გადაწყვეტილებით, დაქვითული ხელფასი საქველმოქმედო ღონისძიებებს მოხმარდება. პარლამენტის თავმჯდომარე შალვა პაპუაშვილმა ბიუროს სხდომაზე განაცხადა, რომ 80 ათასი ლარიდან 77% ოპოზიციონერ დებუტატებზე მოდის, რაც, დაანლოებით, 60 ათასი ლარია.

აფხაზეთის ავტონომიური რესპუბლიკის იძულებით გადაადგილებულ პირთა მინისტრი დავით ფაცაცია, პირველ მოადგილესთან და სამინისტროს თანამშრომლებთან ერთად, აფხაზეთიდან დევნილ ოჯახებს ესტუმრა, დამდეგი შობა-ახალი წელი მიულოცა და საახალწლო ნობათები გადასცა. აფხაზეთის მთავრობის ინფორმაციით, აღნიშნული სამინისტროს ორგანიზებითა და აფხაზეთის მთავრობის მხარდაჭერით, საახალწლო ნობათები საქართველოს მასშტაბით, აფხაზეთიდან დევნილმა 800-მდე პირმა მიიღო.

მომამზადა  
01 შველიძემ

## „გაბნოლია 2022“ - აჭარაში საუკეთესო ტურისტული სერვისის მიმწოდებლები დაჯილდოვდნენ

მანანა ტაპიამ 593 10 15 17

ბათუმის დრამატულ თეატრში „გაბნოლია 2022“-ის დაჯილდოების ცერემონია გაიმართა, სადაც აჭარის ავტონომიური რესპუბლიკის ტურიზმისა და კურორტების დეპარტამენტმა რეგიონში საუკეთესო ტურისტული სერვისის მიმწოდებლები გამოავლინა და დაჯილდოვა.

ღონისძიება დეპარტამენტის მუშაობის 2022 წლის ანგარიშით გაიხსნა. დეპარტამენტის თავმჯდომარე თინათინ ზოიძემ სტუმრებს მათ მიერ განხორციელებული პროექტები და ტურიზმის მიმართულებით რეგიონის მიღწევები გააცნო. ტურიზმისა და კურორტების დეპარტამენტი „გაბნოლია“ დაჯილდოების ღონისძიებას 2015 წლიდან ატარებს. როგორც თინათინ ზოიძემ აღნიშნა, მისი მიზანი ტურისტული სექტორის წახალისება და რეგიონში სერვისის გაუმჯობესებაა. რეგიონში მაღალი სერვისის მიმწოდებელი ტურისტული ობიექტების გამოსავლენად დეპარტამენტი ტურისტებისა და სექტორის შეფასებებს იყენებს.

ტურიზმის სფეროში 2022 წელი ჩვენი რეგიონისთვის გამორჩეული იყო. ბათუმმა წელს

ორი პრესტიჟული ჯილდო მოიპოვა. „World travel awards“-ის ევროპის ჯილდოს შემდეგ, ჩვენმა ქალაქმა წელს ტურიზმის „ოსკარი“, ამჟამად უკვე როგორც „სწრაფად მზარდმა ტურისტულმა მიმართულებამ“ მოიპოვა. ბათუმმა მსოფლიოს დაჯილდოების ცერემონიაზე ისეთ ქვეყნებს გაუწვია კონკურენცია, როგორცაა საფრანგეთი, იაპონია, კოლუმბია, ბულგარეთი და ჩრდილოეთ ირლანდია. ეს პირველი ჯილდოა, რომელიც მან ტურიზმის „ოსკარს“ მსოფლიო დაჯილდოების ცერემონიაზე მიიღო, რაც ძალიან დიდი განაცხადი და პასუხისმგებლობაა ჩვენი ქალაქისა და ქვეყნისთვის.

საერთაშორისო მიღწევების, ტურიზმის აღდგენისა და ახალი ტურისტული პროდუქტების განვითარების თვალსაზრისით, შეიძლება ითქვას, რომ წარმატებული წელი გვქონდა აჭარაში. სასიხარულოა, რომ არაერთი მნიშვნელოვანი ღონისძიება გველოდება. როგორც იცით, წელს ოფიციალურად დასახელდა ბათუმი „World travel awards“-ის ევროპის დაჯილდოების ცერემონიის მასპინძელ ქალაქად, რაც ძალიან დიდი პასუხისმგებლობაა ჩვენთვის. დღეს ვაჯამებთ მიმდინარე წელს, ამასთან, სექტორს ვაცნობთ ყვე-

ლა იმ გეგმას, სტრატეგიას, პრიორიტეტს, რომელზეც მომავალ წელს მათთან ერთად ვიმუშავებთ. მნიშვნელოვანია ასევე, რომ კონკრეტულად ამ ღონისძიების ფარგლებში გამოვლინდა ის წარმატებული ბიზნესები და სერვისები ტურიზმის დარგში, რომელიც თავად სექტორმა და ვიზიტორებმა აირჩიეს. რა თქმა უნდა, ჩვენ ვემადლიერებთ ყველა პარტნიორს, ტურისტულ სააგენტოს, ობიექტსა და ბიზნესის სხვადასხვა სფეროს წარმომადგენლებს, ვინც მუდმივად, მთელი წლის განმავლობაში ჩვენი რეგიონის პოპულარიზაციაში შეიტანა წვლილი, დაეხმარა ტურიზმის დეპარტამენტს მუშაობაში და პრიორიტეტების განსაზღვრაში, - აღნიშნა თინათინ ზოიძემ.

რეგიონის წარმატებებზე ისუბრა და დეპარტამენტს მომავალ საქმიანობაში მთავრობის მხარდაჭერა და თანადგომა აღუთქვა აჭარის მთავრობის თავმჯდომარემ. როგორც თორნიკე რიჟვაძემ აღნიშნა, ჩვენი რეგიონი ოთხივე სეზონზე მიმზიდველ ტურისტულ მიმართულებად გადაიქცევა ვიზიტორებისთვის.

ნ. შ-2 ვ.



**სწრაფი პოლიტიკოსების პოლიტიკური პროგნოზები** 3

**ვინ როგორ გაატარა და რას დააჩქარა 2022 წელს?** 6

**მინისტრი, რომლისთვისაც ახალი წელი რამდენიმე თვის წინ დადგა** 4

**«ჩემი თინეიჯერული წინასახალწლო განწყობა», ანუ მოუსიხინეთ შვილებს** 7





# მუსიკალური ცენტრის მოუპრობრამა

მანანა პიძიშვილი 598 24 94 97

ბათუმის ხელოვნების ცენტრში წლის შემაჯამებელი მუსიკალური საღამო გაიმართა. საზეიმო ღონისძიებაზე ადგილობრივმა ახალგაზრდა მომღერლებმა სხვადასხვა ჟანრის კომპოზიციები ინდივიდუალურად და ერთობლივად შეასრულეს.

იმ საღამოს დარბაზს არ ჰყავდა მომსახურე პერსონალი - ყველა მსმენელის როლში მოგვევლინა. კაპელდინერები, რომლებიც სამუშაო კონსტიტუტში გამოწყობილები მაყურებელს ყოველთვის თავაზიანად ემსახურებიან, თავად იყვნენ მაყურებლები და კარგადაც იხალისეს.

მუსიკალურ ცენტრში მოუპრობრამა წარმოგვიდგინეს ახალგაზრდა ბათუმელმა მომღერლებმა. მათ შორის იყვნენ სალომე მირიანაშვილი, ნანუკა მიაქაძე, თამაზ ხუბუნაშვილი, გიორგი ბერიძე, აჩიკო გოგიტიძე, ნიკო ბერიძე, სულხან დევიძე, ანრი გუჩინაძე, მორის მელაძე, სანდრო კურცხალიძე.

ფოიეში ასეთი მხიარული და

საინტერესო საღამო გერ არ გამართულა, აქვე მოეწყო სცენა, აციმციმდა საახალწლო ნაძვის ხე.

- სასიხარულოა, რომ მუსიკალურმა ცენტრმა გადაწყვიტა, წინასწარ ახალწლოდ შეეკრიბა ბათუმელი მომღერლები. ყველას გაგვიხარდა, რადგან გვენატრება ერთმანეთი. ერთად შევაჯამეთ გასული წელი, ცენტრის ხელმძღვანელობამ საშუალება მოგვცა, ბათუმელები მოგვეერთო ერთმანეთს. უშუალოდ გარემოა, ისეთი შეხვედრაა, ბათუმს რომ უხდება, - გვითხრა აჩიკო გოგიტიძემ.

- ასეთი საღამოს ჩატარებისთვის მუსიკალურ ცენტრს მადლობას ვუხდით - ერთად შეგვკრიბა სხვადასხვა ჟანრის მუსიკოსები. ძალიან გვიხარია, ახალი წელი ბათუმში ყველაზე პირველებმა, ალბათ, ჩვენ მოვიწყვანეთ“. ვულოცავ თქვენს მკითხველებს, პირადად თქვენ, დამდეგს, - გვითხრა ღონისძიების თანაორგანიზატორმა, მომღერალმა ნიკო ბერიძემ.

ბათუმის სახელმწიფო მუსიკა-



ლური ცენტრის მთავარმა ადმინისტრატორმა ჯაბა სალუქვაძემ 2022 წელი ნაყოფიერად შეაფასა. მისი თქმით, ხელოვნების ცენტრმა წარმატებით არაერთ სპექტაკლს, მუსიკალურ და სალინურ საღამოს უმსახურა.

- დახუნძლული იყო 2022 წელი

ლი, სანახაობრივად ღამაში საღამო გაგვემართა, შეგვეჯამებინა განვლილი წელი. ბათუმელი ახალგაზრდა მომღერლები მოვიწყვიეთ და ვვიქრობთ, ყველამ ისიამოვნა. თანამშრომლებს მივულოცეთ ახალი წელი. მომავალი წლიდან ახალ პროექტებზე ვიწყებთ მუშაობას, იანვარი უფრო ტექნიკური სამუშაოებისთვისაა განკუთვნილი. რაც მოსაწყობებელია, იმაზე ვიზრუნებთ, რომ თებერვლიდან განვახლოთ მუსიკალური ცხოვრება. დაგეგმილია საოპერო სპექტაკლები, მათ შორის ერთ-ერთი, ქართული საღამო იქნება. 2023 წელს მნიშვნელოვან თარიღებსაც აღვნიშნავთ. მთელი ზაფხული უკვე გაწერილია. ვფიქრობთ, კიდევ უფრო ნაყოფიერი და დატვირთული წელი გვექნება, რითაც მსმენელს გავახარებთ, - თქვა ჯაბა სალუქვაძემ.

- დიდი მადლობა ჩვენს დირექციას და ადმინისტრაციას, რომ ასეთი თბილი საღამო გვარჩუნა. თანამშრომლები კონცერტზე მაყურებლის სტატუსით მოგვიპატივეს, ძალიან ვიხალისებთ, - გვითხრა მუსიკალური ცენტრის უფროსმა კაპელდინერმა ნანა მაკალათიამ.

# სტუდენტური „ინტელექტუალური“

მანანა პიძიშვილი 598 24 94 97

ბათუმის საზღვაო აკადემიის კარიერული განვითარების, კულტურისა და სპორტის სამსახურის ორგანიზებით, სასტუმრო „შილტონში“ საქართველოს სტუდენტური „ინტელექტუალური“ ჩატარდა, რომელშიც გუნდები სხვადასხვა ქალაქიდან მონაწილეობდნენ, მათ შორის, თბილისის ავიაციის უნივერსიტეტიდან, ბათუმის ყველა უმაღლესი სასწავლებლიდან. მართლაც შთაა რუსთაველის სახელმწიფო უნივერსიტეტი ექვსი გუნდით იყო წარმოდგენილი.

როგორც „ინტელექტუალური“ წამყვანმა, ბსუ-ს პროფესორმა გიორგი მასალკინმა გვითხრა, მანამდე ასეთივე თამაშები ბათუმის უნივერსიტეტში ჩატარდა და იქ წარმატებულმა ექვსმა გუნდმა ამ შემაჯამებელ თამაშებში მიიღო მონაწილეობა. ბსუ-ში უკვე არაერთი წელია, საშემოდგომო და საგაზაფხულო თამაშები - „ბსუ-ს ინტელექტუალური“ ტარდება, რომელშიც 30-30 გუნდი მონაწილეობს. მასში ბაკალავრები, მაგისტრები, ასევე



დოქტორანტებიც მონაწილეობენ. რაც შეეხება საქართველოს სტუდენტთა ამჟამინდელ „ინტელექტუალური“, ბათუმის უნივერსიტეტის ექვსი გუნდიდან სამმა სამივე საპრიზო ადგილი აიღო. ისინი სიგელებით, წიგნებით, კალმებით დაჯილდოვდნენ.

ბსუ-შიც და საზღვაო აკადემიაშიც ამ ტურნირებს ყოველთვის გვერდით უდგას, ამავე სასწავლებლების კარიერული განვითარების, კულტურისა და სპორტის სამსახურები. როგორც ორგანიზატორებმა აღნიშნეს, ასეთი მასშტაბური თამაშები ბათუმში დიდი

ხანია არ გამართულა. ეს ერთდღიანი ტურნირი გახლდათ, რომელზეც 88 მეკითხვა დაისვა. მისი ავტორი ფარსევან ჯორბენაძე გახლავთ, რომელიც ერთ-ერთი უძლიერესი მოთამაშეა არა მხოლოდ აჭარის, არამედ საქართველოს მასშტაბით. პროფესიით ეკონომისტი ფარსევან ჯორბენაძე საზღვაო აკადემიის წარმომადგენელია, სწორედ ის ატარებს საზღვაო აკადემიაში მსგავს ტურნირებს.

როგორც კი უმაღლესი სასწავლებლებში არდადეგების შემდეგ სწავლა განახლდება, ინტელექტუალები ახალ სეზონს დაიწყებენ. სხვათა შორის, ამ თამაშებში საჭარო სკოლების უფროსკლასელი ინტელექტუალებიც მონაწილეობენ, რომელთა შორისაა ბათუმის №1, 2, 3 საჭარო სკოლები, სკოლა „ვერო 2000“. როგორც გიორგი მასალკინმა გვითხრა, ძალიან კარგი შთაბეჭდილება დატოვა ამ რამდენიმე ხნის წინ გამართულ თამაშებში ბათუმის მესამე საჭარო სკოლის გუნდმა, რომელიც 30 გუნდს შორის საუკეთესო ხუთეულში მოხვდა.

ჟიურიში გიორგი მასალკინის გარდა იყვნენ ეკატერინე ჩხარტიშვილი და არჩილ ართმელაძე.

# „მაგნოლია 2022“ – აჭარაში ქელა 3 ნომინაციაში საუკეთესო ტურისტული სერვისის მიმწოდებლები დაჯილდოვდნენ

ცოტხე ცაბაძე 27 48 94

პირველი გვერდიდან

- დღეს კიდევ ერთხელ ვაჯამებთ ტურისტულ სეზონს, რომელმაც უპრეცედენტო წარმატებით ჩაიარა. განსაკუთრებით მახარებს ის ფაქტი, რომ ორნიშნა ეკონომიკურ ზრდასთან ერთად, პოსტპანდემიურ პერიოდში სრულად აღდგა ტურისტული ნაკადები, გაიზარდა ფრენების რაოდენობა და სეზონი დღესაც გრძელდება. ამიტომ, ჩვენი საერთო მიზანი - ბათუმი და აჭარა ოთხივე სეზონზე მიმოიღვეთ, წარმატებულ ტურისტულ მიმართულებად გადავაქციოთ, აუცილებლად შესრულდება. მთელი გუნდი გააკეთებს მაქსიმუმს, რათა თითოეულმა ჩვენმა მცხოვრებმა შეძლოს წარმატებული სეზონისგან მიიღოს მაქსიმალური სარგებელი, - განაცხადა თორნიკე რიჟვაძემ.

„მაგნოლია 2022“-ის ნომინაციები წელს შემდეგნაირად გადანაწილდა: საუკეთესო ბრენდული სასტუმრო - „შილტონი“, საუკეთესო არაბრენდული სასტუმრო - „ბლუმი“, საუკეთესო ჰოსტელი - „ძველი ბათუმი“, ყველაზე პოპულარული რესტორანი - „ფიროსმანი“, საუკეთესო ტურისტული სააგენტო - „აჭარა ტური“, საუკეთესო გიდ - თამარ ორაგველიძე, საუკეთესო განათვისების ობიექტი სოფლად - „ზებო“, ყველაზე პოპულარული ღვინის მარანი - ვაჟა დავითაძის მეღვინეობა და მარანი, ყველაზე ხშირად ვიზიტორებადი მუზეუმი - გონიო-აფსაროსის არქეოლოგიურ-არქიტექტურული კომპლექსი, ყველაზე ხშირად ვიზიტორებადი დაცული ტერიტორია - მტირალას ეროვნული პარკი, ყველაზე ხშირად ვიზიტორებადი ადგილი - ბათუმის ბულვარი, ყველაზე ხშირად ვიზიტორებადი ტუ-

რისტული მარშრუტი - მახუნცეთის ტურისტული მარშრუტი, საუკეთესო ტურისტული მძლელი აჭარაში - ზვიად გოგიჩაიშვილი.

- ძალიან სასიამოვნო და საბასუსხიმგებლოა, წარმოადგენდნენ შენს ქვეყანას, გქონდეს შესაძლებლობა, გააცნო იგი სხვებსაც. რა თქმა უნდა, შენ უკან დგას მთელი დეპარტამენტი და მთლიანად ტურიზმი და შენ გრძობ მათ ერთგულებას. უღრმესი მადლობა და ყველას ვულოცავ, ვინც ეს ჯილდო მიიღო დღეს, - განაცხადა თამარ ორაგველიძემ.

აჭარის ტურიზმისა და კურორტების დეპარტამენტის ინიციატივით, წელს პირველად, „მაგნოლიის“ დაჯილდოების ცერემონიაზე დაწესდა ტურიზმის საპატიო ჯილდო, რომელიც ტურიზმის სექტორისთვის მნიშვნელოვან ადამიანებს გადაეცა.

ეკოტურიზმის განვითარებაში შეტანილი განსაკუთრებული წვლილისთვის - იზოლდა მაჭუტაძე, ტურიზმის სფეროში ხანგრძლივი და ნაყოფიერი მოღვაწეობისთვის - ზურაბ ბარბაქაძე, გიდის პროფესიის განვითარებაში შეტანილი განსაკუთრებული წვლილისთვის - ბაგრატ თავბერიძე, ზურაბ ჭყუასელი, ტურიზმის ინდუსტრიისთვის მთელი ცხოვრების განმავლობაში გაწეული თავდადებისთვის - თამაზ შამილიშვილი და მალხაზ მალაყმაძე დაჯილდოვდნენ. დეპარტამენტის ხელმძღვანელმა რეგიონში ტურიზმის განვითარებასა და პოპულარიზაციაში შეტანილი განსაკუთრებული წვლილისთვის მადლობის სიგელები კერძოდ და სამთავრობო სექტორების, ასევე მედიის წარმომადგენლებსაც გადასცა.

ქელის მუნიციპალიტეტში ტურიზმი აქტიური ხდება. მარტო 2022 წელს ნახევარ მილიონზე მეტი უცხოელი და ადგილობრივი ვიზიტორი იმყოფებოდა მახუნცეთის ჩანჩქერის, სხვა ისტორიული და მატერიალურ-კულტურული ძეგლების მოსანახულებლად. ამ მიმართულებით ადგილობრივი თვითმმართველობის მიერ გაწეული საქმიანობა სათანადოდ დაფასდა.

ბათუმის დრამატულ თეატრში გამართულ „მაგნოლია 2022“-ის დაჯილდოების ცერემონიაზე აჭარის ტურიზმის დეპარტამენტმა რეგიონში საუკეთესო ტურისტული სერვისის მიმწოდებლები დააჯილდოვა.

ქელის მუნიციპალიტეტმა ჯილდო სამ ნომინაციაში მიიღო. ესენია: საუკეთესო განთავსების ობიექტი სოფლად; ყველაზე ხშირად ვიზიტორებადი ტურისტული მარშრუტი. მადლობის სიგელი მედიატორების მხარდაჭერისთვის და ეფექტური თანამშრომლობისთვის ქელის კულტურის ცენტრთან არსებულ ფოლკლორულ ანსამბლ „ელესას“ გადაეცა.

- აჭარის ტურიზმის დეპარტამენტი „მაგნოლიას“ დაჯილდოების ღონისძიებას აჭარაში 2015 წლიდან ატარებს. მისი მიზანი ტურისტული სექტორის წახალისება და რეგიონში სერვისების განვითარებაა. ქელის მუნიციპალიტეტი ამ პროცესებში აქტიურადაა ჩართული. სამ ნომინაციაში გამოგვარჩიეს, რაც წინასწარაღწერილია, - გვითხრა ქელის მუნიციპალიტეტის მერმა როლანდ ბერიძემ.





# სწოხილი პოლიტიკოსების პოლიტიკური პრობნოზები

ზიძრია ღაგლაძე 579 25 25 72

მსოფლიოში არსებული პოლიტიკური ფონი, რუსეთ-უკრაინის ომი და ამ ომით გამოწვეული სირთულეები, საქართველოს მესამე პრეზიდენტის პატიმრობასთან დაკავშირებული საზოგადოებრივი აზრის სხვადასხვაობა, ომბუდსმენის არჩევის გაჭიანურებული პროცესი - ეს ყველაფერი 2022 წელს განვითარებული მოვლენებია. რას პროგნოზირებენ ცნობილი პოლიტიკოსები, როგორია მათი მოლოდინი და რაში ხედავენ უკეთეს მომავალს, ამას გაზეთ „აპარნისთვის“ ექსკლუზიურად მიცემულ კომენტარებში წაიკითხავთ

ბათუმის შოთა რუსთაველის სახელმწიფო უნივერსიტეტის პროფესორი **ბიას მასალაძე** 2023 წელს პოლიტიკური თვალსაზრისით რეალური გადაფასებების მოლოდინით ხვდება, მიიჩნევს, რომ საზოგადოება, პოლიტიკოსები საღად აზროვნებას დაიწყებენ, რაც ხელს შეუწყობს ევროკავშირში ჩვენი ქვეყნისთვის წევრობის კანდიდატის სტატუსის მინიჭებას.

- არის ასეთი ანეკდოტი: „ჩვენ გვეგონა, რომ ფსკერზე ვართ და უცებ ქვემოდან დაგვიკაკუნეს“ - მეგონა, უკვე არავინ დაგვიკაკუნებს, რადგან, გარკვეულწილად, ფსკერზე ვართ. ამიტომ, გამიჩნდა აზრი, რომ ჩვენ უნდა დავსულიყავით ფსკერზე იმისათვის, რომ გაგვეგო, რას ნიშნავს ქვეყანაში პოლიტიკის



არქონა, რას ნიშნავს უკიდურესი პოლარიზება, რას ნიშნავს პოლიტიკური მედია, ანუ ყველას უნდა მოეხსნა ნიღაბი და ჩვენ უნდა დაგვეჩვენა ყველაფერი და გგონი, ეს მოხდა კიდევ. აქედან გამომდინარე, 2023 წელს ველოდებით რეალობის გარკვეულ გადაფასებებს და იმას, რომ უფრო საღად დაიწყებთ აზროვნებას. ყოველ შემთხვევაში, ამას ვუსურვებ მთელს საქართველოს. მეტი მოდის 2024 წლის არჩევნები და მასაც თუ არსებული პოლიტიკური სიტუაციით შევხვდით, ეს ძალიან ცუდი იქნება. ჩვენ კარგად გვემის, რომ ის 12-პუნქტიანი გეგმა, ის რეკომენდაციები, რომლებიც უნდა შეგასრულოთ ევროკავშირის წევრობის კანდიდატი ქვეყნის სტატუსის მისაღებად, სრულყოფილად წარმოდგენილი არცერთ ქვეყანაში არ არის, მთავარია, ჩვენ მოვძებნოთ ჩვენს თავში პოლიტიკური ნება, ნორმალური არჩევნები ჩავატაროთ და ქვეყანა დემოკრატიულია, პლურალისტურად და სტრატეგიულად გმართავთ. თუ მივხვდებით, რომ მაქსიმალური ღიაობა და დემოკრატია, ასევე განათლება არის ჩვენი ხსნა, ეს 12 პუნქტი თავისთავად შესრულდება. ბუნებრივია, იმ ნაბიჯებს, რომლებიც გადაივალა, მივესალმებით, ეს არ არის 100 პროცენტული 90, რაც უნდა გავგეგმეთ, მაგრამ დინამიკა აშკარად შეიმჩნევა, - ამბობს ვია მასალაძე.

პოლიტიკური თვალსაზრისით

„ცვლილებათა ქარი ოპოზიციურ სპექტრში ქრის“, აქედან გამომდინარე, აჭარის უმაღლესი საბჭოს ადამიანის უფლებათა დაცვის კომიტეტის თავმჯდომარე **ცოტნე ანანოძე** 2023 წელს განსაკუთრებულ ცვლილებებს არ ელოდება.

- 2023 საარჩევნო წელი არ არის. აქედან გამომდინარე, განსაკუთრებული ცვლილებების მოლოდინი არ მაქვს. ცვლილებათა ქარი შედარებით, ოპოზიციურ სპექტრში ქრ



ის. 2023 წელი მთელს მსოფლიოში უკრაინაში ომის დასრულების მოლოდინთანაა დაკავშირებული და იმედია, მალე ასეც მოხდება და სამართალი იზეიმებს. ჩვენც, როგორც ოკუპირებული ქვეყნის მცხოვრებლები, ვგულშემატკივრობთ უკრაინას, რომ ტერიტორიული მთლიანობა აღიდგინოს და ის, რაც დაარღვია რუსეთის ფედერაციამ, მათ შორის ჩვენთან, საქართველოში გამოსწორდეს. რაც შეეხება საქართველოს წევრობის კანდიდატის სტატუსს, ამ საკითხზე მუშაობს საქართველოს პარლამენტი და მთავრობა, ეს მოითხოვს ძალიან ბევრ საკითხზე კონსენსუსს. იმედია, ევროკავშირი არ დაგვიკარგავს იმას, რომ ჩვენ ლიდერები ვიყავით ევროპასთან ასოცირების საკითხში. ქართველი ხალხის ისტორიული აწმყოს და მომავლის არჩევანი, რა თქმა უნდა, ევროკავშირი და ევროფასეულობებია. სახელმწიფო და საზოგადოებრივ დონეზე, სწორედ ეს არის სამიზნე იმ რეკომენდაციების, რომელიც ევროკავშირმა განსაზღვრა. საქართველოს მესამე პრეზიდენტის ირგვლივ განვითარებულ მოვლენებთან დაკავშირებით მინდა გითხრა, რომ ყველაზე მნიშვნელოვანი საერთაშორისო სტანდარტის სერვისების უზრუნველყოფაა. ნებისმიერი პატიმარი არის კანონის წინაშე თანასწორი და არავის დისკრიმინაციის უფლება არ აქვს. ძალიან ბევრი სხვადასხვა მოსაზრებაა სააკაშვილთან დაკავშირებით. საზოგადოების ნაწილი მის გათავისუფლებას ითხოვს, ნაწილი კი ამის წინააღმდეგია, მათი პოზიცია გასაგებია, ამას თავისი მიზეზები აქვს, რამდენიმე დღის წინ ამასთან დაკავშირებით აქციაც ვნახეთ. აქციაზე მყოფთა უმრავლესობის სახელი და გვარი საზოგადოებისთვის კარგად ნაცნობია. უსამართლობის მსხვერპლი არიან ეს ადამიანები სააკაშვილის მმართველობის დროს, მათ შორის მეც და ჩემი თანამებრძოლებიც და თანამოაზრეებიც. იმ პერიოდში სრულიად უდანაშაულო ადამიანებმა, ძალიან რთული სასჯელად სრულების სისტემა გავიარეთ, ისეთებმა, ვინც აქციაზე საერთოდ არ იმყოფებოდნენ. სააკაშვილმა შექმნა დანაშაულებრივი სისტემა. სწორედ ამიტომ იმ პერიოდში რევოლუციური არჩევნები მოხდა. გარკვეული პარალელი რომ გავავლო, არსებულ სიტუაციასა და მაშინდელ სიტუაციებს შორის, ძალიან კარდინალურ განსხვავებას დავინახავთ. სააკაშვილს როგორც ყოფილ

პრეზიდენტს, რა თქმა უნდა, გარკვეული ყურადღება უნდა მიექცეს პატიმრობის დროს, ცხადია, ის რჩება არაფორმალურ ლიდერად „ნაციონალური მოძრაობის“, მიუხედავად იმისა, რომ უცხო ქვეყნის მოქალაქეა, ყველაფერი დამოკიდებულია სამედიცინო კომპეტენციაზე. მადლობა ექიმების მიმართ თავად სააკაშვილსაც უთქვამს. სახელმწიფო ვალდებულია, ნებისმიერი პატიმრის უფლებები დაიცავს, მათ შორის სააკაშვილის, თუმცა თუ მის დანაშაულებზე ვისაუბრებთ, ეს შორს წავიყვანს. მისი პატიმრობაში ყოფნა არაა გგონია საქართველოს მოქალაქეებში კითხვებს იწვევდეს, მით უფრო იურისტებში. რაც შეეხება მის მდგომარეობას, ეს შეიძლება, გარკვეულწილად, შიშობის გამოცხადების ფაქტს უკავშირდებოდეს, რამაც მისი ჯანმრთელობა აქამდე მიიყვანა. იგი გადის მკურნალობის კურსს და არავის აქვს სურვილი, რომ ვინმემ მოკლას, ცხადია, არც მე. - განაცხადა ცოტნე ანანოძემ.

2023 წელს პოლიტიკაში დიდ ცვლილებებს ელოდება „ლელოს“ ბათუმის ორგანიზაციის თავმჯდომარე **ბაიო თაბაძე**. მისი მოლოდინი პოზიტიურია. ამბობს, რომ 2024 წლის არჩევნებისთვის მზადება სწორედ ახლა დაიწყება, რაც დიდ გავლენას მოახდენს ქვეყნის ბედზე.

- 2023 წლის მოლოდინი დიდია, იცით, რომ 2022 წელი ჩვენი



მეგობარი ქვეყნისთვის განსაკუთრებით რთულად დაიწყო, უკრაინაში განვითარებულ მოვლენებს ვგულისხმობ. მიმდინარეობს მშვიდობიანი მოსახლეობის დევნა, დაიღუპა ბევრი ადამიანი, ზიანდება ინფრასტრუქტურა, განადგურებულია ეკონომიკა, ეს ყველაფერი მეგობარ ქვეყნებზე, მათ შორის საქართველოზეც აისახება. ჩვენთვის მნიშვნელოვანია ამ ომის შედეგი, რადგანაც დარწმუნებული ვარ, ჩვენი ქვეყნის მომავალზე დიდ გავლენას მოახდენს. იმედი მაქვს, ომი უკრაინის გამარჯვებით დასრულდება, რაც ჩვენც დასავლური გეზისკენ წაიყვანს. 2023 წლიდან უკრაინის სახით მსოფლიოს ახალი მოთამაშე მოვეყვანება და დარწმუნებული ვარ, იგი ყველაფერს გააკეთებს მეგობარი ქვეყნებისთვის, მათ შორის საქართველოსთვის, რათა მისი მომავალი იყოს უკეთესი და ცივილური. მინდა აღვნიშნო, რომ 2024 წელს არჩევნებზე პროფესიონალი ძალები მაქსიმალურად მოიკრებიან ძალებს, რათა სათავეში კოალიციური ხელისუფლება მოიყვანონ. მინდა ვუსურვო ჩემს ქვეყანას უკრაინის გამარჯვება ფორტის ხაზზე. მინდა ვუსურვო იმ ადამიანებს, რომლებიც საკუთარი სიცოცხლის ფასად იცავენ უკრაინას, გამძლეობა და ჯანმრთელობა, ასევე, უკრაინელ პატარებს - მშვიდობა საკუთარ ქვეყანაში და უკეთესი მომავალი, - ამბობს გენო თებთი.

ბათუმის საკრებულოს წევრი „ერთიანი ნაციონალური მოძრაო-

ბიდან“, **რმაზ ხარაზი** მიიჩნევს, რომ საზოგადოებამ სათქმელი პირდაპირ აღრესატთან უნდა მიიტანოს. ასეთ შემთხვევაში იქნება 2023 წელი პოლიტიკურად წარმატებული. პოლიტიკოსის თქმით, ხალხის ხმა ბევრ პრობლემას გადაწყვეტს და მათ ჩართულობას ნებისმიერ საკითხთან დაკავშირებით სასიცოცხლოდ მნიშვნელოვნად მიიჩნევს.



- პირველ რიგში, ყველას დამდეგ ახალ წელს ვულოცავ, ეს წელი გამოვლიანების წელი ყოველივეს ვფიქრობ, რომ რთული წელი იქნება 2023. 2022 წელს პოლიტიკური მოვლენები როგორც განვითარდა, იმის თქმის უფლებას არ გვაძლევს, რომ ახალი წლიდან რადიკალურ ცვლილებებს უნდა ველოდეთ. ვფიქრობ, რომ არსებული პოლიტიკური და ეკონომიკური მდგომარეობა სწორედ საზოგადოების ხელთაა და ამ რეალობის შეცვლა მას შეუძლია. ჩვენი საზოგადოების აქტივობა როგორც იქნება, იმაზე ყველაფერი დამოკიდებული. ცვლილებები უნდა მოხდეს, საქართველომ ოცნებაში უნდა წარმოაჩინოს საღი აზრი და უნდა მიხვდნენ მისი წევრების მსოფლიოში რა ხდება. მოლოდინი მაქვს იმისა, რომ ბუტინის რუსეთი დამარცხდება, მსოფლიო სწორედ ამისკენაა მიმართული. რუსეთის დამარცხებასთან ერთად ხელისუფლების ცვლილებაც მოხდება. ერთხელ და სამუდამოდ ჩვენ, ჩვენი შვილები ისეთ ქვეყანაში ვიცხოვრებთ, სადაც სიძულვილის ენა აღმოიფხვრება. ყოველთვის მქონდა უკეთესის მოლოდინი, უნდა გავიზაროთ, რომ არა მხოლოდ იქ, უკრაინაში უნდა დაიწყოს წარმატებული ქვეყნის მშენებლობა, არამედ, ჩვენი ქვეყანაშიც. სტუდენტებს, ნებისმიერ ახალგაზრდას, იმ ადამიანებს მოვუწოდებ, ვინც ყოველდღიურად უსამართლობას აწყდებიან, უკეთესი მომავლისთვის მუდმივად უნდა იბრძოდნენ. ამ ქვეყნიდან გარბის ახალგაზრდობა. კი არ უნდა წავიდნენ, უნდა დარჩნენ და შეცვალონ თავიანთი ცხოვრება უკეთესობისაკენ. მთავარია, ყველამ ვიცოდეთ ის, რაც იყო 2022 წლამდე, არ შეიძლება კიდევ 10 წელი გაგრძელდეს. ისიც მთავარია, რომ რუსეთის გარეშე ვიყოთ. ნორმალურად მოაზროვნე ადამიანს არ უნდა რუსეთი და სჭირდება განვითარება, მხოლოდ ფეისბუქგვერდებზე გამოქვეყნებული უმკაცრობები ამა თუ იმ საკითხთან დაკავშირებით არაა საკმარისი, უნდა ვთქვათ ღიად, ხმა-მალა მივიტანოთ სათქმელი იმასთან, ვისაც უშუალოდ ეხება ეს პრობლემა. ვფიქრობ, რომ პოლიტიკურად დატვირთული იქნება 2023 წელი, მაგრამ მე ასევე მსურს, რომ პოლიტიკოსის გვერდით ხალხის ხმა ისმოდეს. ასე იყო 2012 წელს, როდესაც მიხეილ სააკაშვილმა გაიგონა ხალხის ხმა, ხალხის არჩევანი, მაშინ ყველამ დავინახეთ ხელისუფლება „საქართველოს“ როგორ მშვიდობიანად გადააბარა, - გვითხრა რევაზ ხარაზმა.

## უხსოვარი

ნატოს გენერალურმა მდივანმა იენს სტოლტენბერგმა გერმანიასა და ალიანსის სხვა ქვეყნებს მოუწოდა, უკრაინისთვის იარაღის მიწოდება განაგრძონ. „შესაძლოა, ეს პარადოქსულად შეგვეჩვენოს, მაგრამ უკრაინის სამხედრო მხარდაჭერა ყველაზე სწრაფი გზაა მშვიდობისკენ“, - განაცხადა ნატოს გენერალურმა მდივანმა. მისივე თქმით, რუსეთის პრეზიდენტი ვლადიმერ პუტინი დარწმუნებული უნდა იყოს იმაში, რომ უკრაინას თავის კონტროლს ვერ დაუკეცილებს. სტოლტენბერგმა ასევე ნათლად დააფიქსირა, რომ უკრაინის მხრიდან რუსეთის საბრძოლო ობიექტებზე თავდასხმას სრულიად კანონიერად მიიჩნევს. „ყველა ქვეყანას აქვს უფლება, დაიცავს თავი“, - განაცხადა მან.

\*\*\*  
ქვეყნების უმეტესობა არ უჭერს მხარს უკრაინის წინააღმდეგ გაეროს უშიშროების საბჭოს რუსეთის ვეტოცხვენის შესახებ, - ამის თაობაზე ესტონეთის საგარეო საქმეთა სამინისტროს ვიცე-კანცლერმა მარტ ვოლმერმა განაცხადა. მისი თქმით, ამ საკითხის განხილვა შესაძლებელი იქნებოდა იმ შემთხვევაში, თუ უკრაინის პოზიციას ძალიან ბევრი ქვეყანა გაიზიარებდა და ჩათვლიდა, რომ სსრკ-ის დაშლის შემდეგ რუსეთმა გაეროს უშიშროების საბჭოში ადგილი უკანონოდ მიიღო, თუმცა ასეთი ქვეყნების რიცხვი ძალიან მცირეა. „ამ საკითხზე უკრაინას ძალიან დიდ საერთაშორისო მხარდაჭერა არ აქვს“, - განაცხადა ვოლმერმა.

\*\*\*  
ისრაელის პარლამენტმა პრემიერ-მინისტრ ბინიამინ ნეთანი-აჰუს ახალ მთავრობას ნდობა გამოუცხადა. მან უკვე დადო ფიცი და ოფიციალურად გახდა ისრაელის პრემიერ-მინისტრი. ნეთანი-აჰუ უკვე იყო ისრაელის პრემიერ-მინისტრი 1996-1999 და 2009-2021 წლებში. 1-ელ ნოემბერს, 25-ე მოწვევის ქნესეთის ვადამდელი არჩევნების შედეგად, მისმა პარტიამ პირველი ადგილი დაიკავა. ეს არჩევნები ზედ-იხედ მეხუთე იყო სამანხევარი წლის განმავლობაში.

\*\*\*  
გარშავაში გადაწყვიტეს, ახალ წელს დაკავშირებულ სადღესასწაულო ღონისძიებებზე უარი თქვან. პოლონეთის დედაქალაქში ეს ფინანსური მდგომარეობით და იმით ახსნეს, რომ უკრაინაში მიმდინარე ომის ფონზე, მსგავსი ღონისძიების გამართვა უადგილო იქნებოდა. როგორც გარშავის მერიის პრეს-სპიკერმა მონიკა ბუტკა აღნიშნა, სადღესასწაულო ღონისძიების გაუქმება უკვე ტრადიციად იქცა, რადგან აქამდე მის ჩატარებას ხელს პანდემია უშლიდა.

\*\*\*  
სერბეთის პრეზიდენტმა ალექსანდრ ვუჩინამ კოსოვოელ სერბებს ბარიკადების დაშლისკენ მოუწოდა. სერბეთის კოსოვოსა და მეტოხიის სამმართველოს დირექტორის პეტარ პეტკოვიჩის თქმით, ბელგრადმა ევროკავშირსა და აშშ-სგან „სანდო გარანტიები“ მიიღო. „საქმე ეხება სერბი პოლიციელების დეიან პანტიჩის გათავისუფლებას, კოსოვოელ სერბების სიფის არარსებობას, რომელთა დაკავებასაც პრეზიდენტი გეგმავს და, ასევე, NATO KFOR სამშვიდობო ძალების გარანტიას, რომ კოსოვოს უშიშროების ძალები მათი წინასწარი თანხმობის გარეშე ვერ შევლენ ჩრდილოეთ მუნიციპალიტეტებში“, - აღნიშნა მან.

მომავალი  
ია შვედიაში



# მინისტრი, რომლისთვისაც ახალი წელი რამდენიმე თვის წინ დადგა

შანაძე ტატიანა 577 10 15 17

ცოტაც და, კარს შემოაღებს 2023 წელი. როგორი იყო გასული წელი და რა გეგმებით ხვდება ახალს, რა სახალწლო ტრადიციები აქვს ოჯახში - ამაზე აჭარის განვითარების მინისტრი ნინო ნიჟარაძე გვესაუბრება. შეგვივხვით, ინტერვიუს საშუალებით იგი სულ სხვა კუთხით გაგვეცნოს საზოგადოებისა და ჩვენი მკითხველისთვის

- ქალბატონო ნინო, როგორი იყო თქვენთვის გასული 2022 წელი?

- ვთვლი, კარგი წელი იყო, იქიდან გამომდინარე, რომ გავცდით პანდემიის საზღვრებს და ჩვენ წინაშე დადგა სხვა გამოწვევები. ძალიან ბევრი მიმართულებით მოგვიწია ფიქრი პანდემიის შემდგომი პრობლემების, სოციალური რეაბილიტაციის, ჯანდაცვის მიმართულებით. კოვიდპანდემიამ უამრავი პრობლემა დატოვა, უფრო სწორად, უფრო თვალნათლივ გამოჩნდა პანდემიის პერიოდში გამოუმუშავებელი, დაურეგულირებელი და არადაცვნი სტრატეგიული შემთხვევები. უწყება ბევრი გამოწვევის წინაშე დადგა, ბევრ პრობლემასთან მოგვიწია გამკლავება და ამ მხრივ 2022 წელი ნაყოფიერი იყო ჩვენთვის. ამას როგორც ჯანდაცვის მინისტრი, ისე ვამბობ. პირადულს რაც შეეხება, უფლის წყალობით, აქაც კარგი წელი იყო, განსაკუთრებული ცვლილება ჩემს ოჯახში და ჩემ ირგვლივ არ ყოფილა. ყველანი ჯანმრთელი და კარგად ვართ, ვთვლი, რომ ეს არის უპირველესად მთავარი. ოჯახის წევრებიც კარგად არიან და ფიქრობენ შემდგომ განვითარებაზე. მათი ასაკის შესაბამისად, იგივე შემიძლია ვთქვა მშობლებზეც.

- ოჯახი ასხენით და... გვიამბეთ მის შესახებ.

- მყავს მეუღლე ალესანდრე ქონიძე, იგი ამჟამად ტურისტული ბიზნესსაქმიანობით არის დაკავებული. 22 წლის ასაკში შემთხვევით გავიცანი ერთმანეთი. მოგვიანებ-

კი დავექით იმ გამოწვევის წინაშე, რომ ორივემ დავეტოვა. ძალიან გავიჭირდა, მაგრამ გვყავს 5 წლის ბიჭი, ძალიან - ამერიკული აკიტა სახელად რეი. ხუმრობის გარეშე, ის მართლაც ჩემი მესამე შვილია - დიდი ზომის და წონის. ფეხით სიარული ძალიან მიყვარს, დილით გამოძინების სურვილი არასდროს მაქვს, ყველა შაბათ-კვირას სიამოვნებით ვდგები 8 საათზე და ვასეირნებ. დასვენების დღეებსაც ერთად ვატარებთ, რაც დიდ ბედნიერებას მანიჭებს. მზრუნველობას არ ვაკლებ და შვილების დეფიციტს, რაც მათი დედაქალაქში გადასვლით შეემქმნა, შეიძლება ითქვას, ამით ვვსებ.

- როგორი დედა ხართ?

- ძალიან მეგობრული, თუმცა ზოგჯერ მიწევს, ვიყო კატეგორიულიც, ამასთან, რაღაცებში დამთმობიც ვარ. როგორც თავად მეუბნებიან, თავისუფალი დედა ვარ და არ მაქვს შეზღუდვები. ტყუპები კი არიან, მაგრამ ერთმანეთისგან რადიკალურად განსხვავდებიან.

- როგორც მიგხვდით, სახლებს შვილებთან ერთად უწყობთ ფეხს და, ბევრი მშობლისგან განსხვავებით, თითქმის არ ზღუდავთ მათ.



- მათი ხასიათიდან და ნიჭიდან გამომდინარე, ორივეს მივეცი რეკომენდაცია. ვთვლი, ეს ყველა მშობლის ვალდებულებაა. ერთი ძალიან პრეზენტაბელური იყო - ვი-

ოგების სტილი, თუკი არ ჩავთვლი იმას, რომ ცოტა დროის ფაქტორმა იჩინა თავი - უფრო დატვირთული და მოუცლელი ვარ სამსახურის გამო და შეიძლება, შედარებ-

ძალიან უბრალო და თავისუფალი ადამიანი ვარ. ცოტა უხერხულობას მიქმნის, როცა სადღაც მცნობენ და მათთვის მინისტრი ვხდები. ზედმეტი ყურადღება დისკომფორტს მიქმნის. ვინც მიცნობს, იტყვის, რომ ურთიერთობის პრობლემა არავისთან მაქვს. არ ვთვლი, რომ ამ თანამდებობამ შეცვალა ჩემი ცხოვრების სტილი, თუკი არ ჩავთვლი იმას, რომ ცოტა დროის ფაქტორმა იჩინა თავი - უფრო დატვირთული და მოუცლელი ვარ სამსახურის გამო და შეიძლება, შედარებით ნაკლებ დროს ვატარებ მეგობრებთან. თუმცა მაქვს ვალდებულება, კვირაში ორჯერ მშობლებთან აუცილებლად მივიღე

- ნამდვილად. 20 წლის ადამიანი უკვე პიროვნულად ჩამოყალიბებულია და თავად შეუძლია გადაწყვიტოს, რა უნდა. ისინი ნორმალური და ჯანსაღ გარემოში გაიზარდნენ და, ვფიქრობ, მცდარ გადაწყვეტილებებს არასდროს მიიღებენ. გოგონები ყოველთვის დამო-

ზუალებს და ბრენდირებას აქცევდა ყურადღებას და, აქედან გამომდინარე, ვურჩევ სოციალური მედია-მარკეტინგი, მეორეს ძალიან უყვარდა კოსმეტოლოგია, დერმატოლოგია... სამედიცინოზეც ამიტომ წავიდა. უფრო ამ მიმართულებით უნდა მუშაობის გაგრძელება. ჩემი რჩევები გაითვალისწინეს, გადაწყ-

ბით ნაკლებ დროს ვატარებ მეგობრებთან. თუმცა მაქვს ვალდებულება, კვირაში ორჯერ მშობლებთან აუცილებლად მივიღე, თუნდაც ერთი საათით და ეს არასდროს შეიცვლება. დანარჩენი თვისებებს რაც შეეხება, ჩემულები დიასახლისიც ვარ. როგორი ნინო ნიჟარაძეც ვიყავი წლების წინ, ისეთივე ვარ. არც სახლის საქმეებია უცხო ჩემთვის და მიყვარს, როცა პირადად ვარ ამით დაკავებული. საერთოდ, ყველა ფრონტზე უნდა დავიხარჯო ბოლომდე და არ მიყვარს, ამას ჩემ მაგივრად სხვა რომ აკეთებს. სადაც ვარ, უნდა ვიყო ბოლომდე რეალიზებული, როგორც დიასახლისი, როგორც ქალი, როგორც დედა, მეუღლე, როგორც მინისტრი, შვილი, მეგობარი თუ სხვა. უბრალოდ, იოლად რაიმეს მიღების საშუალებას საკუთარ თავს არ ვაძლევ - შეიძლება, რაღაც გამოვიდეს, მაგრამ საკუთარი თავით ბოლოს ყოველთვის უკმაყოფილო ვჩრები.

- რას ელოდებით 2023 წლის გან?

- პირველ რიგში - ღვთის წყალობას და ჯანმრთელობას ჩემი და გარემომყოფებისთვის, ვინც ძალიან მიყვარს. რაიმე განსაკუთრებული სურვილი არ მაქვს. მომავალი წლისთვის მაქვს გარკვეული გეგმები და სამსახურებრივი მიზანი, რაზეც აქტიური მუშაობა უკვე დაიწყო. ერთ წელიწადში შეიძლება ვერ დასრულდეს იმდენად მასშტაბურია, მაგრამ 2023 წელს მან უნდა აიღოს კარგი ტემპი. ძირითადად, ამ მიმართულებით ვმუშაობ. ცხოვრებაში, მუდმივ რუტინაში მოდის ახალი საჭიროებები და ეს იმდენად გაუთვალისწინებელია, რომ სწრაფ გადაწყვეტას მოითხოვს, ამიტომ ზოგჯერ არაპროგნოზირებადი სიტუაციებიც არის ჩვენი სფეროში, ყოველდღიურობაში და ამას ველოდებით, რა თქმა უნდა, ამის გარეშე ცხოვრება წარმოუდგენელია. აქედან გამომდინარე, ასეთი სიტუაციებისთვის მზადყოფნა და ექსპრომტად საქმის კეთება გვიწევს. ეს გარკვეულ ტემპს და მუხტს მატებს როგორც მინისტრს, როგორც უბრალო ადამიანს და ალამაზებს ჩემს ყოველ-

დღიურობას. - ახალი წლისთვის რაიმე ტრადიცია თუ გაქვთ ოჯახში - ნაძვის ხის მორთვა, საჩუქრების მიართვა-გა... - ნაძვის ხეს, ტრადიციულად, 1 დეკემბერს ვაწყობ. წელს ძალიან კურიოზული სიტუაცია მქონდა: გამოვიწერე ნაძვის ხე და... ნოემბერში ჩამომივიდა. მთელი სამინისტრო გადამეკიდა, რა ჩამოვივიდა, გვარჩენო. მეც გავხსენი და... ავაწყვე. სათამაშოების გარეშე ხომ არ დავტოვებდი და... დამჩნა წინასწარ აწყობილი. მოკლედ, ჩემთვის, ფაქტობრივად, ახალი წელიც დადგა. საერთოდ, ნაძვის ხის მორთვა უდიდეს სიამოვნებას მანიჭებს. ის დილიდან გვიან ღამემდე განათებულია და ეს წესი უცვლელია.

- როგორია თქვენი სახალწლო სუფრა და თავად თუ გიყვართ კერძების მომზადება?

- ამით დიდად არ გამოვირჩევი. თორი რამ აუცილებლად უნდა იყოს ჩემს სახალწლო სუფრაზე - გოჭი და საცივი, სხვას არაფერს ვანიჭებ მნიშვნელობას.

- ხაჭაპურის გარეშე ქართული სუფრა ხომ წარმოუდგენელია...

- არა, ხაჭაპური - არა. ორი ქალიშვილი მყავს და მუდმივად ცვლილობით, ფორმაში ვიყოთ - ცომეულს ვზღუდავთ სუფრაზე. ერთი ორი დღისთვის არ გვინდა, რეჟიმიდან ამოვვარდეთ, კვებას და ფორ-



ით ურთიერთობა სიყვარულში გადაიზარდა და ერთ წელიწადში შეგქმენით ოჯახი. საკმაოდ დიდი ხნის, ბედნიერი თანაცხოვრების პერიოდს გვაქვს გავლილი. გვყავს 20 წლის ტყუპი გოგონები - ანა და მარიამი. ისინი სტუდენტები არიან და ამჟამად თბილისში ცხოვრობენ. ერთმა - მედიცინა, მეორემ კი ყურნალისტიკა, კერძოდ, სოციალური მედიამარკეტინგი აირჩია. პერიოდულად ჩამოდიან მშობლიურ ქალაქში და გვხვებიან. ცოტა გავიჭირდა ბავშვების თბილისში გადასვლა. როცა პანდემია ახალი დაწყებული იყო, ისინი სწავლას ონლაინ-რეჟიმში აგრძელებდნენ. შესაბამისად, ჩვენც მივეჩვიეთ ამ რეჟიმს და შეიძლება ახლოს ყოფნას, წელს

უკიდებლბები იყვნენ და წლებია, მათ აქტიურ ცხოვრებაში ვეღარ ვერვით. ასე მივაჩვიე ბავშვობიდან და არც ცნანობ. პატარები რომ იყვნენ და სტომატოლოგთან მიმყავდა, ცვდილობდი, დამოუკიდებლად შესულიყვნენ მასთან. ამით პატარაობიდანვე ვაჩვევდი გამოწვევასთან გამკლავებას. ვასწავლიდი, ნებისმიერი პრობლემა თავად გადაეჭრათ, რაც მათ გააძლიერებდა და ასეა დღემდე. თუკი მოგიწია იმ სიტუაციაში ყოფნა, რასაც ვერასდროს წარმოიდგენდი, ამას შეიძლება გარკვეული შედეგი მოჰყვას და მზად უნდა იყო.

ვეტილები კი დამოუკიდებლად მიიღეს. მათი გამოცდები პანდემიის დაემთხვა და ფიზიკურად ვერ მოვიცილოდი, მათ მაგივრად რომ გადაემწყვეტა რამე. მისაღები გამოცდები როგორ ჩააბარეს და ვახდენენ სტუდენტები, თითქმის არ მახსოვს.

- დაახასიათეთ საკუთარი თავი - როგორია ნინო ნიჟარაძე სამსახურის მიღმა?

- ძალიან უბრალო და თავისუფალი ადამიანი ვარ. ცოტა უხერხულობას მიქმნის, როცა სადღაც მცნობენ და მათთვის მინისტრი ვხდები. ზედმეტი ყურადღება დისკომფორტს მიქმნის. ვინც მიცნობს, იტყვის, რომ ურთიერთობის პრობლემა არავისთან მაქვს. არ ვთვლი, რომ ამ თანამდებობამ შეცვალა ჩემი ც-

მაში ყოფნას ვაქცევთ დიდ ყურადღებას.

- რა სურვილს ჩაუთქვამთ ახალი წლის დამს?

- განსაკუთრებული და გამორჩეული სურვილი არ მაქვს. სამსახურებრივი რამდენიმე ჩანაფიქრი რაც მაქვს, მინდა ბოლომდე მივიყვანო. პირადად რაც შეეხება, სტაბილურად მივყვები დინებას. მატერიალურ მხარეს დიდ მნიშვნელობას არ ვანიჭებ, არ ვარ ამას მიჩვეული. სულში სიმშვიდე, ჰარმონია და ბედნიერება იოლად შემიძლია ვიპოვო ჩემს ოჯახში და მეგობრებთან, სიმყუდროვე - ფინჯან ყუასთან და ტელევიზორთანაც. უნივერსიტეტშიც ვასწავლი, ვკითხულობ ლექციებს და ვთვლი, რომ იმდენად რეალიზებული ვარ, წვრილმანებისთვის დრო არ უნდა დავხარჯო. რაღაც დროს ამას ყოველთვის ვუთმობ, ეს თვითგანვითარებაზე დადებითად მოქმედებს. ამჟამად ინდოელებთან ვატარებ ლექციებს, რაც ენის ბარიერის გადალახვაც მენდობება. ამასთან, საინტერესოა ახალგაზრდებთან მუშაობა და ეს, გარკვეულწილად, ბავშვებთან ურთიერთობაშიც მიწყობს ხელს, რაც ძალიან მომწონს.

- ახალ წელს როგორ მიულოცავთ ჩვენს მკითხველებს?

- პირველ რიგში, ყველას ვუსურვებ ჯანმრთელობას, ამაზე ძალიან ბევრია დამოკიდებული. მიკვირს, როცა ჯანმრთელი ადამიანი რაღაც მატერიალურზე ფიქრობს დიდი დანაშაულებით. ისეთებს ვისმინ გამოქალაქების საჭიროებებიდან გამომდინარე, რომ ვფიქრობ, ადამიანები ვერ ვაფასებთ იმას, რაც გვაქვს. ყველას ვეტყვი: აუცილებლად დავაფასო ჩანმრთელობა, ვიყოთ იმის მადლიერები, რაც უფაშმა გვარგუნა. ეს მადლიერება დაგვხმარება სულიერ ჰარმონიაში, სიმშვიდეში. არ მოგვკლებოდეს უფლის წყალობა და სიყვარული, დანარჩენი ყველაფერი დროებითია და წარმავალი. ყველაფერი გამოვივა, თუკი ჩვენ ამ რაღაცების დაბალანსებას ვისწავლით. ყველას გილოცავთ დამდეგ 2023 წელს! იხარეთ და იბედნიერეთ!

# ვინ როგორ ბაატარა და რას დაარქმევდა 2022 წელს?

მარიამ ხოთაბაძე 27 48 93

წლების წინ ახალი წლის განწყობა ჩემთან ბევრად უფრო ადრე მოდიოდა, ვიდრე სხვებთან. ფაქტობრივად, შემოდგომის სუსხის მოსვლასთან ერთად ვიწყებდი ცქმუტვას. არ ვიცი, ასაკი კონკრეტულად რომელი ემოციებზე მოქმედებს, მაგრამ ალბათ, წლებთან ერთად ამ განწყობამ დაგვიანება დაიწყო... თითქოს ახალი წელი რამდენიმე წუთიანი ჟივილი-ხივილი გახდა. ისევ იდგმება ნაცვის ხე, ისევ ჩნდება მის ქვეშ საჩუქრები, ისევ ფუსფუსებენ სამზარეულოში, ისევ ითვლიან ბოლო ათ წამს საერთო ურთიერთობაზე. თუმცა, ადრე ეს ყველაფერი უფრო ზღაპრულად და ჯადოსნურად მეჩვენებოდა. ყველაფრის მიუხედავად, მგონია, რომ ახალი წელი მაშინ მოდის, როცა თავს ახლებურად გრძნობ. არ აქვს მნიშვნელობა რის, ან ვის გამო. ახალი წელი ახალ ემოციებს, ახალ შესაძლებლობებს მოაქვს. ჰოდა, ვისთვისაც ეს დღეები მნიშვნელოვანია, ყველას გილოცავთ ჩვენი ცხოვრების ათწლის თავიდან დაწყებას. პირველ რიგში, საკუთარ თავთან ჰარმონიას გისურვებთ! ამაზე მნიშვნელოვანი და ნაყოფიერი არაფერია. ცუდად ყოფნაც ნორმალურია, დამარცხებაც ადამიანურია და შეცდომების დაშვებაც. მთავარია, საკუთარ ტყავში თავს კომფორტულად გრძნობდე. დამდეგს გილოცავთ, ნაკლებად მოუსმინეთ სხვებს და ბევრი - საკუთარ თავს. ბედნიერება მხოლოდ ამას მოაქვს!

გნახოთ, ვინ როგორ გაატარა და რას დაარქმევდა 2022 წელს?..

**ოთარ მათაბაძე, რეჟისორი:** - წლები-დღეები წელი ჩემთვის ძალიან გადატვირთული იყო. რეკორდულად ბევრი პროექტი გან-



ვანორციელებ: თბილისის ახმეტელის თეატრში დავდგი სპექტაკლი „ქალები 30+“, ბათუმის, ასევე, ქობულეთის ზაფხულის სეზონის გახსნაც, სპექტაკლი „ჩემოდანი“, რომლის პიესაც ჩემი დაწერილია. ასევე, დავდგი ოპერა „ბასტიენი და ბასტიენა“. ვარ პროექტ „ლაბორატორია 2/20“ ორგანიზატორი (შეიქმნა 9 დიდი ზომის ნახატი და 3 პერფორმანსი), ასევე - „ბათუმის მონოლოგების საერთაშორისო ფესტივალისა“ (დაიდგა 5 მონოსპექტაკლი), ოპერა „დონ პასკუალისა“ და ფესტივალ „განდაგანას“ რეჟისორი, „ბათუმის მოკლემეტრაჟიანი ფილმების ლაბორატორია“ - ორგანიზატორ-პროდიუსერი (შეიქმნა 3 მოკლემეტრაჟიანი მხატვრული ფილმი, რომლის ჩვენებაც კინოთეატრ „აპოლოში“ გაიმართა). ვითამაშე სპექტაკლში „ობლების ქალაქი“, ჩემი პიესა „აივანი“ ითარგმნა და დაიდგა უზბეკეთში. იყო დალაღაც და ამავდროულად, მივიღე დიდი სიამოვნება. თამამად შემიძლია ვთქვა, რომ წლებიდან წელი ძალიან ნაყოფიერი იყო, ასევე დავასათურებდი - „ნაყოფიერი წელი“.

**ანრიკო ბოზინიძე, მომღერალი:** - ვეფხვის წელში ვარ დაბადებული და ჩემი წელი იყო. ყველა მეუბნებოდა, რომ განსაკუთრებული წელი იქნებოდა ჩემთვის. ნამდვილად, ემოციური და დასამახსოვრებელი წელი გამოდგა კარგითაც და სამწუხაროდ, ცუდითაც. კარგი ის იყო, რომ ბევრი ვიმღერე, ბევრი დრო გავატარე ჩემს შვილებთან ერთად და უფრო მეტად გავითავისე მამაშვილური და მოკიდებულეობა. ამ წელს ჩემს შვილებს, მგონი, უფრო შევუყვარდი (იციანის). ძალიან მნიშვნელოვანი წელი იყო პროფესიული თვალსაზრისითაც. იმედის არხზე პროექტ „მიმდევრები“ მივიღე მონაწილეობა და მინდა დიდი მადლობა გადავუხადო მთელ შემოქმედებით ჯგუფს, პროდიუსერებს, განსაკუთრებით დათო მანანაშვილს, ეკა ნაცვლიშვილს, ეკა გორთამაშვილს, რადგან მომეცა საშუალება, რომ ამ პროექტში არა ანსამბლის წევრად გვ-



ფილივიციანი, არამედ - სოლო მომღერალი და საზოგადოებას ამ მხრივაც გავცანი. ძალიან გამიხარდა, რომ ამ ყველაფერს დადებითი შეფასებები და ემოციები მომჰყვა. სხვა მხრივ, ძალიან მიმიე წელი იყო, რადგან ჩემი მეგობარი ლევან კბილაშვილი დაიღუპა და 4 თვეში მეორე მეგობარი - ლაშა გოგიაშვილი. ეს ბიჭები ჩემი ტრიოს „ქალაქური“ წევრები იყვნენ. მათთან ერთად ვმღეროდი სანამ „ალ-ილოში“ სიმღერას დავიწყებდი. მათი წასვლა ჩემთვის ძალიან დიდი ტკივილია, რომელიც მთელი ცხოვრება გამყვება. მიუხედავად ყველაფრისა, მინდა იმედით შევხედო ხვალისდელი დღეს. მინდა, რომ საუკეთესო გისურვოთ ყველას, სიმშვიდე და ჯანმრთელობა! მინდა, ჩემს ბათუმელებს, ჩემს ქალაქს კიდევ ერთხელ გამოვუტყდე დიდ სიყვარულში და ვუთხრა მადლობა, რადგან სადაც არ უნდა წავიდე, ეს სიყვარული ყველგან თან დამდევს. ეს სიტბო ჩემი ოჯახიდან, მეგობრებიდან და ამ ქალაქიდან მოდის. ლევანი მღეროდა: „ბედის ბორბალი ტრიალებს...“ ამ წელსაც ასე დავასათურებდი - „ბედის ბორბალი ტრიალდა“. მინდა ჩვენს ქვეყანას მშვიდობა და დიდი სიყვარული ვუსურვო. მრავალს დავგვწოთ!

**ბნერი დოლიძე, პოეტი:** - 2022 წელი რთული წელი იყო როგორც ჩემთვის, ასევე სამყაროსთვის. მთავარი მოვლენა იყო რუსეთ-უკრაინის ომი, რომელიც დღემდე გრძელდება და იმედს ვიტოვებ, რომ მალე დასრულდება ჩვენი მომე ერის გამარჯვებით, რაზეც მეტწილად დამოკიდებულია ჩვენი ტერიტორიული მთლიანობის აღდგენის რიგი ფაქტორები. ამ წელს დავარქმევდი „სოლიდარობის წელიწადს“, რადგანაც ჩვენმა ერმა თანადგომისა და თავგანწირვის უდიდესი მაგ-



ალითი აჩვენა. ჩვენ, კიდევ ერთხელ, დავამტკიცეთ, რომ მნიშვნელოვან მომენტებში შეგვიძლია სიკეთის, ჰუმანიზმისა და მშვიდობისთვის გაერთიანება. სრულიად საქართველოს გულოცავ დამდეგ შობა-ახალ წელიწადს და ვუსურვებ თავისუფლებას, მშვიდობასა და კეთილდღეობას!

**სალო ბეილი, მომღერალი:** - 2022 წელს დავარქმევდი „აღმოჩენას“. ზუსტად 1 წელიწადში ჩემი ცხოვრება უკეთესობისკენ მიმავალ კიბეზე რამდენიმე საფეხურით იმდენად სწრაფად ავიდა, რომ თავიდან გააზრება გამიჭირდა, რომ ეს შეეძლო. ალბათ ყველაფერი იმიტომ, მოხდა, რომ თავდაუზოგავად ვმრობობ. მადლობელი ვარ ამ წლის, რადგან ბევრი რამ გადავავსე. დავკარგე და შევიძინე ადამიანები... მატერიალურად ბევრად უკეთესი პერიოდი მაქვს, ჩემი კარიერაც წინ მიდის და რაც დრო, ვადის მით უფრო მეტად ვხვდები, რამდენად მნიშვნელოვანია თითოეული დღე. 2022-ში აღმოვაჩინე, რომ ჯერ საკუთარი თავი უნდა მიყვარდეს და მხოლოდ ამის შემდეგ შევძლებ ჩემ ირგვლივ მყოფი ადამიანების, საქმისა და ა.შ. გულწრ-

ველ სიყვარულს. ვისწავლე, რომ ნებისმიერი დანაკარგი მხოლოდ უკეთესის შექმნის წინაპირობაა, ნებისმიერი ტკივილი მეტად ამძაფრებს სიხარულს, პატარა ნაბიჯებით უფრო დიდ გზას გავივლი და ამ წელს კიდევ უფრო ვირწმუნე, რომ რაც მთელი გულით მინდა, ყველაფერი მიქნება. ყველაზე მნიშვნე-



ლოვანი კი ის არის, რომ ჩემთვის ძვირფასი ადამიანები ისევ ჩემ გვერდით არიან, ვისურვებდი, რომ კიდევ მრავალი წელი მქონდეს ასეთი. გილოცავთ დამდეგს!

**ნიკო ბერიძე, მომღერალი:** - პირველ რიგში, რითიც გამოირჩეული გახდა ეს წელი (ოღონდ მუსიკალური თვალსაზრისით) - მე და ჩემმა ძმამ შევქმენით ჯგუფი, სადაც ჩვენი დაწერილი საავტორო სიმღერები სრულდება. პირველმა კონცერტმა წარმატებით ჩაიარა, ასევე დანარჩენებმაც. კიდევ ბევრი სიმღერის დამატებას ვაპირებთ, ვიდუიკლიპების გადაღებაც გვაქვს გეგმაში. ამ საკითხს ძალიან სერიოზულად ვეკიდებით და არა ისე, რო-



გორც ერთხელად, გასართობ პროექტს. წელს, ასევე, ჩემი ორგანიზებით, ბათუმში გაიმართა რამდენიმე უნიჭიერების ადამიანის კონცერტი: მალხაზ აბულაძის, უმაღრესი არტისტი და მუსიკოსისა, ალექსანდრე ბეგალიშვილის

(ჯგუფი „ამნეზია“). ასევე, პროექტი - „მუსიკალური რინგი“. ეს იდეა ჩემი ჯგუფის „პარამიტას“ პირველი ლაივკონცერტის შემდეგ დაიბადა. მინდოდა, გამეკეთებინა მუსიკალური რინგი, სადაც მონაწილეობას მიიღებდნენ დამწყები თუ გამოცდილი მუსიკოსები. ამ რინგს შემდეგ ადგილობრივ (და არა მხოლოდ) მუსიკოსებს, ლაივიდან დარჩებათ პროფესიონალური სტუდიური ჩანაწერები. ეს პროექტი, ვფიქრობ, მომავალშიც გაგრძელდება და იქნება სხვა წამახალისებელი პროიექტი. 2022 წელს ჩემთვის კიდევ დიდი გამოწვევა იყო და არის ის, რომ ჯგუფში ბასეიტარაზე ვუკრავ, რაც პირველად მოხდა და რამდენადაც ურთულესია, იმდენად საინტერესოა. ამ წელს დავარქმევდი „ამ წელს“ - ორი სიტყვით (იციანის).

**ანანო იაშვილი, მსახიობი:** - ჩემს ცხოვრებაში ყველა წელი თავის კვალს ტოვებს. ალბათ გამომართლა, რადგან მუდმივად რაღაც ახალი და საინტერესო ხდება. რა თქმა უნდა, ბევრი ცხოვრებისეული სირთულე და იმედგაცრუებაც ახლავს თავს, მაგრამ ბუნებით ოპტიმისტი ვარ და ახლაც მჯერა იმის, რომ ჩვენცენ მომავალი 2023 წელი უფრო საინტერესო, ბედნიერი და სიკეთის მომტანი



იქნება. 2022 წელს პროფესიულად ბევრი საინტერესო რამ მოხდა: ჩავაბარე სამსახიობო მაგისტრატურაზე ლევან (ჭოლა) წულაძის ჯგუფში, მქონდა არაერთი პრემიერა, მაგრამ გამოვარჩეე „ირინეს ბედნიერებას“, რომელიც ახალგაზრდა რეჟისორმა საბა ასლამაზიშვილმა დადგა მესხეთის თეატრში და მთავარი როლის შემსრულებლად მიმიწვივა. ამ სპექტაკლით ყაზახეთის საერთაშორისო ფესტივალზე „საუკეთესო მსახიობი ქალის“ პრიზი ავიღე. ასევე, საქართველოში ავიღე თეატრალური საზოგადოების გრანპრი - „წლის საუკეთესო სპექტაკლი“. გული მწყდება, რომ ბათუმის თეატრის მკურნებელმა ვერ იხილა ეს სპექტაკლი, თუმცა იმედს ვიტოვებ, რომ ეს მალე მოხდება. მოკლედ რომ ვთქვა, ძალიან საინტერესო წელი მქონდა და ვარ უზომოდ მადლიერი. ეს წელი იყო „ფრიად გასაოცარი წელი“!

## „სალომე ზურაბიშვილი დახურულ კარს მიღმა იმ ადამიანებს ხვდება, ვინც მას რუსეთის აბენტს უნობდა...“

„ქართული ოცნების“ დეპუტატმა რატი იონათამიშვილმა ჟურნალისტებთან თქვა, რომ ყველას ახსოვს სალომე ზურაბიშვილის პოზიცია „ნაციონალური მოძრაობის“ მიმართ და როცა მისი პრეზიდენტობის ოთხი წლის შემდეგ ამ პოზიციის რადიკალური ცვლილება ხდება, ეს კითხვებს აჩენს.

„სალომე ზურაბიშვილი დახურულ კარს მიღმა იმ ადამიანებს ხვდება, ვინც მას თავის დროზე რუსეთის აგენტს უწოდებდა, გენდერული ნიშნით შეურაცხყოფას აყენებდნენ და პირად შეურაცხყოფაზეც კი გადადიოდნენ, ახლა ზურაბიშვილი „მივარდნილებს“ უწოდებს ადამიანებს, ვინც ის პრეზიდენტად აირჩია და საკავშირის დანაშაულებრივი რეჟიმი საკუთარ თავზე იგრძნო, - განაცხადა რატი იონათამიშვილმა, - ამ ყველაფრის შემდეგ არსებულ კითხვებს ლეგიტიმური მიზეზები აქვს. შეწყლება მხოლოდ უფლება არ არის, ეს არის პასუხისმგებლობა. პირველ რიგში, ამ პასუხისმგებლობას ზომავს საზოგადოების წინაშე აღებული ვალდებულება და სამართლიანი პრინციპები. როცა ადამიანი მასშტაბური დანაშაულებას აკეთებს და, პირაქით, მას და მის მხარდამჭერებს კიდევ უფრო კრიმინალური რიტორიკა აქვთ, ასეთი ადამიანის შეწყლებაზე საუბარი სამართლიანობის პრინციპების შეურაცხყოფაა.“



ამირან ბუზინიძე





# «ვიღრე სოხსალი ვარ, სოფელს ვერ დავტოვებ»

ოთარ ცინაიძე 599 85 21 14

სელიმ და შერიფ ხიმშიაშვილების მამულიშვილური დეაწლი სამხრეთ-დასავლეთ საქართველოს ისტორიაში ფასდაუდებელია. ოსმალეთთან დაპირისპირება სელიმის სიცოცხლის ფასად დაუჯდა. მისი თავმოკვეთილი სხეული ისეთ ადგილზეა დაკრძალული, ნიგაზულელი რეზო ხიმშიაშვილის საცხოვრებელი სახლიდან კარგად რომ მოჩანს

ოჯახში ოთხი ძმა და ორი და ვიზრდებოდით. მშობლები სელიმის გმირობასა და შერიფის ღვაწლზე ზამთრის გრძელ ღამეებში ვიყავით. მამა ამბობდა, რომ მათი შთამომავალი იყო. ამის მოყოლას რომ დასრულედა, მამას კითხვებს ვუსვამდით. თუ კითხვაზე ამომწურავ პასუხს ვერ გავცემდა, ნიგაზულელი სწავლულების დახმარებით, პასუხს მოამზადებდა, ბუხართან ჩამოვდებოდა, მიგვიჩივებდა და წინა დღით დაწვეულ საუბარს გააგრძელებდა. ასაკში რომ შევედი, შვილებსა და შვილიშვილებს მამასავით გულგახსნილად ვესაუბრებოდი. მამა ნანობდა, თავის დროზე კლასიკური განათლება რომ ვერ მიიღო და შვილებს წიგნს გვაყვარებდა. სოფლის ბიბლიოთეკის აქტიური მკითხველი იყო. ნიგაზულელის საშუალო სკოლის დამთავრების შემდეგ, წიგნების მალაზიაში დავიწყე მუშაობა. მე და მამა ერთმანეთს სიყვარულში რომ გამოვუტყუდით, იმ წუთებზე ვიქნებოდით, რომელსაც მამა აქებდა. ის ლიტერატურა საოჯახო ბიბლიოთეკას ახლაც ამწვენებს, მრავალი ბიბლიოგრაფიული იშვიათობაა დაქველდა.

## ახალ წელს ყველა ქართული ოჯახი შესაბამისი რიტუალებით ხვდება. ოჯახური ტრადიციიდან რა დავამახსოვრდით?

წინაპრებს ოჯახში ახალი წლის პირველ დღეს ცხვარი შემოჰყავდათ, იგი გამრავლებასთან, სიხვედრისას ასოცირდებოდა. ჩემს ბავშვობაში თითქმის ყველა ნიგაზულელს ჰყავდა ცხვარი. ახლა ნიგაზულში კი არა, მთელ შუახევში თხა და ცხვარი სანატრელი გახდა. ახალი წლის დღეებში დედა ფქვილს არ ვაცრიდა - ოჯახში ბუხს ვეღარ მოიშორებო. მამა შემას არ მოათრევდა - გველები და სხვა ქვეწარმავლები ეზოს აღარ მოშორდებიანო. დილაადრიან ბოსელშიც შევივლიდნენ, პირუტყვს ზურგზე ვაჭვს ვადატარებდნენ - ასე გადაბმულად იქნებოდა საბალახოდ გასულეებიო. სიმინდის მოხარშვა, ოჯახის წევრებისა თუ ცხვარ-ძროხისთვის მირთმევა დიდ მადლად ითვლებოდა. სხვათა შორის, სიმინდი ჩემს ოჯახში ახლაც იხარშება. ბოსელში, ყველა ოთახში, ნალიასა

და საბძელში წყალსა და ნაძვის ტოტებს ჩამოარიგებდნენ - სიწმინდე და სიცოცხლე დაისადგურებოდა. მე და ძმები მეზობლების მეგობრები (მეგვრეები) ვიყავით, ოჯახში კი მეზობლის ბიჭები შემოგვყავდა. ოჯახებში გადაპატიჟება ნაკლებად იყო. ჩვენი ოჯახი 10 წევრს ითვლიდა და სხვასთან გადასასვლელად დრო არ გვრჩებოდა. სტუმარი კი მშობლებსა და ბავშვებს ძალიან გვიხაროდა. დღემდე ასე ვართ.

## თითქმის ნახევარი საუკუნეა შეხმატკბილებული ოჯახი გაქვთ. რაა მთავარი ოჯახური იდილითვის?

პირველ რიგში. შვილთმრავლობა ჩვენ ექვსნი ვიყავით, ჩემი მეუღლის მშობლების სევდი და ხასან დავითაძეების ოჯახში 4 ქალიშვილი და ერთი ვაჟი გაიზარდა. საბედნიეროდ, ყველანი ცოცხლები ვართ. დედამიწეზე გვიყვარს ერთმანეთი და ვფასობთ. იმ წლებში, როცა ძმა ბეჟანი თბილისში მოსამართლე იყო, მის ოჯახში სტუმრობა შეილებსთვის: შორენას, ნათიას, მამუკასა და რაულისთვის ზემი იყო. შთამომავლობა სანათესაოს კრძალვითა და რითი რომ ვუყარობოდეს, მათ საქმეებს ეცნობოდეს, წელიწადში ერთხელ, რომელიმე დედამიწეში ოჯახში ვიკრიბებოთ. ჯერჯერობით, უცვლელი თამადა ბეჟან ხიმშიაშვილია. ზოგიერთებს მეუღლის ქებაზე ეცივებოდა. მე კი ვიტყვი, რომ გამომართლა, ჩემს შრომისმოყვარეობას მაყვალას თანადგომა რომ არ შეწყვიტოდა, ასეთ ცხოვრებას ვერ მოვიწყობდი. მამისეული ოჯახიდან რას წამოვიღებდი, დიდი არაფერი იყო. მშობლები მთელ ძალისხმევას ჩვენს სწავლა-განათლებას ახმარდნენ და სწორადაც იქცეოდნენ. ადამიანისთვის საფუძვლიანი განათლება და წიგნიერებაა მთავარი. ვაზი, ხეხილი, მიწასთან ფუსფუსი მიყვარს, მაგრამ 75 წელს გადაცილებული, წიგნს ვერ ვეღვი. მეუღლე, კერძო დარჩენილი ვაჟი რაული, რძალი ნატო დარჩიძე კარგად მიგებენ. მეგრა, სიცოცხლის ბოლომდე ასე იქნება. თავის დროზე მრავალწევრიანი ოჯახს დაბის ცენტრში სამოთახიანი კომუნალური ბინა მოგვცეს. გავიგე, რომ საცხოვრებელი სახლი და მცირე ეზო იყიდებოდა. მეუღლე და შვილები დავითანხმე, ოჯახის ბიუჯეტშიც დანახვით თანხა გვქონდა და... კომუნალური ბინიდან საკუთარ სახლში გადმოვბრუნდით, ერთ დროს მოუვლელი და სრითი ტერიტორია ბაღნარად ვაქციე.

## სოფელს, მთას ადამიანები ტოვებენ და ქალაქში სახლებიან...

ვიღრე ცოცხალი ვარ, აქაურობ-



ას ვერ დავტოვებ. ეს ლიტონი სიტყვები არაა. იტყვიან: ვაზმა მეგობრობა იცისო. ეს ნათქვამი პირადელ გამოვცადე. ციკაბო ფერდობზე ტერასები გავიყვანე, მიწა გავანოყიერე და ვაზი ჩავყარე. მანაც იხერია და ოჯახსაც გვახეივებს. წელს აჭარის მთიანეთში გვალვები იყო. მევენახებებს ვაზი გუნადგურდით. მე 3 ტონამდე ყურძენი დავყრიდი იმ ტერიტორიაზე, რომელიც 15 წლის წინ ქვეწარმავლებისა და ტურების საბუღარი იყო. ვაზის მსგავსად ხეხილსაც ვუვლი. ამას მივატოვებ ახლა? მამუკას საცხოვრისი ჰარნალში მივუტყინე, შორენა ბათუმში, ბარცხანაში ცხოვრობს, საკუთარი სახლი აიშენა და ეზო მოიწყო, ნათია თბილისში დასახლდა, რაული, ჯერჯერობით, შუახევში რჩება, პოლიციის სამართველოში მუშაობს და მალე მაიორის წოდებასაც მიიღებს. შვილები დასასწავლელი არიან. შორენა და ნათია, დედის მსგავსად, ადამიანების ჯანმრთელობის სადარჯოზე დგანან. მამუკა კერძო სექტორში საქმიანობს. 9 შვილიშვილისა და შვილთაშვილის მომსწრე ვარ.

## განვიღო წელს თუ ემადლიერებით?

სასაყვედურო არაფერი მაქვს. მიხარია, რომ ქვეყანაში წელი მშვიდობით დასრულდა. გლობალიზაციის ეპოქაში საქართველოს ბედი მადარდებს და მათ პოზიციას ვიზიარებ, ვინც ქვეყნის გადარჩენისთვის, ეროვნული თვითმყოფლობის შენარჩუნებისთვის ძალას, უნარსა და შესაძლებლობას არ ზოგავს. განვიღო წელს მრავალი ადამიანის მსგავსად, ჩემს ცხოვრებაშიც დაუვიწყარი დღე დატოვა, - ეს იყო «საბატო შუახევლის» წოდების მიღება. როცა სცენაზე მიმიწვიეს და დიპლომი გადმომცეს, მივხვდი, რომ შრომას უკავლოდ არ ჩაუვლია, გაწული ამავი დამიფასდა.

## თქვენი სურვილები...

მსურს, რომ ჩემს ქვეყანას საღვთობაში, შრომისუნარიანი ქართველი არ ტოვებდეს, სოფლები აღარ ცარიელდებოდეს მაშინ, როცა ნიგაზულში საავტომობილო გზა, სასმელი და სარწყავი წყალი, დენი, სხვა ინფრასტრუქტურა სანატრელი იყო, ადამიანები იქ ცხოვრობდნენ, წინაპრების საძვალეებს პატრონობდნენ. საშუალო სკოლას რომ ვამთავრებდი, სოფელში დენი მაშინ შემოვიდა. თითქმის შვიდ კილომეტრზე განდგენილი ნიგაზულის ყველა უბანში დღეს ასფალტ-ბეტონიანი გზებია. მეცენატ თეიმურაზ კომახიძის ინიციატივით, სელემ ხიმშიაშვილის საფლავი წყნარსა და ტურისტულ ობიექტად იქცა. ქვეყნის, აჭარის კულტურული მემკვიდრეობის სააგენტოების, შუახევის მუნიციპალიტეტის ხელმძღვანელობის ძალისხმევით, ნიგაზულის ციხესიმაგრის რესტავრაცია-კონსერვაციის სამუშაოები გაიხდა დაიწყება. ადგილობრივი ბიუჯეტით ნიგაზულის ცენტრის კეთილმოწყობაცაა დაგეგმილი. მარტო სოფლის სახეცვლილებაზე აქცენტს არ ვაგაკეთებ. დაბა შუახევში წარსულს ჩაბარდა ერთ დროს ტალახიანი ქუჩები, მოუვლელი სკვერები, კედლებიამოშლი-

ლი კულტურის სახლის შენობა, ადრე ბაყაყების ბუდე ქვეული ახლანდელი სტადიონის ტერიტორია. ყველა შუახევლის საამაყოდ გვაქვს, რომ უკვე მისი გახსნა «შუახევლის» დღესასწაულზე ვიხეივით. მინდა ხარაჩორა-მოსხნილი კულტურის სახლი, მუზეუმის, ბიბლიოთეკისა და გასართობი ცენტრის შენობები დასრულებული, მის შემოგარენში არსებული სკვერები კეთილმოწყობილი ვიხილო. იმ დღესაც მინდა მოვესწირო, როცა ბათუმი-ახალციხის საავტომობილო მაგისტრალის ხულო-ზარზმის და ხიჭკური-ჩანჩხალის ხიდის მონაკვეთების სრული რეკონსტრუქცია დასრულდება. დიდ საქმეებში უცხოელი პარტნიორების, ქვემოქვეყნის ორგანიზაციების თანადგომაც არ გვაკლია. რძალი ნატო დარჩიძე აც)ა «დღის ცენტრის» აღმშრდელ-პედაგოგია. ეს დაწესებულება ფრანგების ხელშეწყობით გაიხსნა. იმ ოჯახებს, სადაც ვმშ ბავშვები არიან, საშუალება აქვთ, შვილები გარკვეულ აქტივობებში ჩართონ. ასეთი დანიშნულების ცენტრები ქვეყნის მასშტაბითაც კი ერთეულია. ჩემი საცხოვრებელი სახლი დაბა შუახევში მშენებარე საჯარო სკოლის და მუსიკალური სკოლის მომიჯნავედაა. გაიხდა ეს საგანმანათლებლო კერები აღსაზრდელებსა და მათ პედაგოგებს მიიღებს. ვითხოვთ - კეთდება, სურვილი გვიჩნდება - გვიკმაყოფილებენ. შობა-ახალ წელს მივულოცავ თქვენი გაზრდის ყურნაობისთვის და მკითხველებს. «აჭარის» აქტიური მკითხველი ვიყავი და ვიქნები.

# ბსუ-ის მესნიერები დააჯილდოვეს

ბათუმის შოთა რუსთაველის სახელმწიფო უნივერსიტეტის მიერ გავრცელებული ინფორმაციით, «ლია მეცნიერების» კვირეულის ფარგლებში, საქართველოს განათლებისა და მეცნიერების სამინისტროსა და აჭარის განათლების, კულტურისა და სპორტის სამინისტროს ეგადით, ბათუმის სახელმწიფო უნივერსიტეტის ორგანიზებით, მეცნიერებაში შეტანილი მნიშვნელოვანი წვლილისა და ხანგრძლივი, ნაყოფიერი საქმიანობისთვის ბსუ-ის სამეცნიერო-კვლევითი ინსტიტუტების მეცნიერ-თანამშრომლები და მკვლევარები სიგელებით დაჯილდოვდნენ.

ბათუმის შოთა რუსთაველის სახელმწიფო უნივერსიტეტის რექტორმა, პროფესორმა მერაბ ხალვაშმა მეცნიერებს დამადგე შობა-ახალი წელი მიულოცა, ნაყოფიერი მოღვაწეობისა და მეცნიერების ადგილობრივ და საერთაშორისო დონეზე პოპულარიზაციისთვის მადლობა გადაუხადა, წარმატებები უსურვა და სხვადასხვა ნომინაციაში დააჯილდოვა.

ღონისძიებაზე ნიკო ბერძენიშვილის ინსტიტუტის დირექტორმა როინ მალაყმაძემ, ფიტოპათოლოგიისა და ბიომრავალფეროვნების ინსტიტუტის დირექტორმა გურამ მეპარნიემ და აგრარული და მეცხოველეობის ტექნოლოგიების ინსტიტუტის დირექტორმა ნინო მხეიძემ შეკრებულ საზოგადოებას სამეცნიერო-კვლევითი ინსტიტუტების მიღწევები

გააცნეს. დაჯილდოების ღონისძიებაზე საქართველოს განათლებისა და მეცნიერების მინისტრის მოადგილე ნუნუ მიცკევიჩმა, უმაღლესი განათლების განვითარების დეპარტამენტის უფროსის მოადგილე ზაზა მარუაშვილთან ერთად, ბათუმის შოთა რუსთაველის სახელმწიფო უნივერსიტეტის ნიკო ბერძენიშვილის ინსტიტუტს, აგრარული და მეცხოველეობის ტექნოლოგიების ინსტიტუტსა და ფიტოპათოლოგიის და ბიომრავალფეროვნების ინსტიტუტს კვლევებში შეტანილი მნიშვნელოვანი წვლილისთვის მადლობის სიგელები გადასცა.

აჭარის განათლების, კულტურისა და სპორტის მინისტრმა მათა ხაჯიშვილმა და აჭარის სოფლის მეურნეობის მინისტრმა ზაზა შავაძემ ხანგრძლივი და ნაყოფიერი საქმიანობისთვის აგრარული და მეცხოველეობის ტექნოლოგიების მეცნიერ-თანამშრომლები: ნუნუ მალაყმაძე, ლარსა ლომიძე, ნინო ხალვაშაძე, ნინო ხალვაშაძე, ნინო ხალვაშაძე და ბსუ-ის ნიკო ბერძენიშვილის ინსტიტუტის მეცნიერ-თანამშრომელი ნანუკი ნოღაიძე დააჯილდოეს.

ბსუ-ის რექტორმა, პროფესორმა მერაბ ხალვაშმა მეცნიერები შემდეგ ნომინაციაში დააჯილდოვა:

მნიშვნელოვანი სამეცნიერო მიღწევებისთვის - ნოდარ კახიძე; ევროპულ საგარანტო პროექტში აქტიური ჩართულობისთვის -



ზორია სინარულიძე, იზოლდა მახუტაძე, რუსლან ბარამიძე, სულხან მახუტაძე, ეროვნული სამეცნიერო ფონდის საგარანტო პროექტის წარმატებულად განხორციელებისთვის - ირინე მარშალკოვიჩი, ლია ძოიანა, მირაბა არამიანი, ნინო ხალვაშაძე, ციკლა ნარამიძე; საუნივერსიტეტო საგარანტო პროექტის წარმატებულად განხორციელებისთვის - ოლეგ ჯიბაშვილი, მარია მებრევილი, დალი ქამადაძე, ელვა შუტაბაძე; მნიშვნელოვანი სამეცნიერო ღონისძიებებში მონაწილეობისთვის - ნარბიუ ახვლედიანი, მარია მურადაშვილი; დოქტორანტების წარმატებული ხელმძღვანელობისთვის - მარია მებრევილი, გალინა მურადაშვილი, ალექს კალანდია. მეცნიერების პოპულარიზაციის მი-

მართულებით გაწეული საქმიანობისთვის - თამილა ლომთათიძე, ნინო კიკნაძე, რუსლან ღვინიაძე, მარია ჯიბაშვილი, ირაკლი მიქელაძე, ნაილა ჩელვაძე; შავი ზღვის კვლევებში მიღწეული შედეგებისთვის - რეზო ბორბაძე, ნინო კიკნაძე; საუნივერსიტეტო საგარანტო პროექტის წარმატებული განხორციელებისთვის - ნინო ხალვაშაძე, ნინო ხალვაშაძე, ნინო ხალვაშაძე; საუნივერსიტეტო საგარანტო პროექტის წარმატებულად განხორციელებისთვის - იზოლდა მახუტაძე, ზორია სინარულიძე, მთიერი ნატარაშვილი, ალექს კალანდია; წარმატებული სამეცნიერო და ადმინისტრაციული საქმიანობისთვის - ბურბა მამარაშვილი, ნინო მხეიძე, როინ მალაყმაძე, - ნათქვამია ინფორმაციაში.

ამირან ბურბაძე

# „ჩემი თინეიჯერული წინასახალწლო განწყობა“, ანუ მოუსმინეთ შვილებს

მანანა პიპიშვილი 598 24 94 97

დიდი ხანია ვმეგობრობ ერთ ნიჭიერ ბათუმელთან - ნადია გუგუშვილთან (სხვათა შორის, ის ჩემი სულიერი დაცვაა). ვინც მასთან სოციალურ ქსელშიც მეგობრობს, ალბათ, ხშირად კითხულობს პოსტებს, რომელიც სკოლაში მის საქმიანობას უკავშირდება - ეს არის ამონარიდები მოსწავლეების შესრულებული თემებიდან ხან - სახალისო, ხან სევდიანი პუბლიკები. სხვების არ ვიცი, მაგრამ მე ყოველთვის სიამოვნებით ვეცნობი მათ



ნადია გუგუშვილი 12 წელია, სკოლაში ასწავლის, ამჟამად ქართული ენისა და ლიტერატურის პედაგოგია სკოლა-ლიცეუმ „მასტერკლასში“. მანამდე სხვადასხვა დაწესებულებაში - აჭარის ტელევიზიაში, მერე რადიოში ურთიერთობდა მუშაობდა. იყო აჭარის უმაღლესი საბჭოს საზოგადოებასთან ურთიერთობის სამსახურის სპეციალისტი. ამიტომ ჩვენ, ურთიერთობის, მას კარგად ვიცნობთ. ნადია ყოველთვის გამოირჩეოდა აქტიურობით, კრეატიულობით. წინა სამსახურების გამოცდილება შესანიშნავად გამოიყენა სკოლაში. აქ მოსვლის პირველივე დღიდან ცდილობს სასწავლო პროცესის საინტერესო და სახალისო გახადოს თანამედროვე მიდგომებით. ამბობს, რომ თუ დღეს მასწავლებელი ყოველმხრივ განათლებული არ ხარ, ბავშვებთან ურთიერთობა გაგიჭირდება. თვლის, თუ კლასში სწავლისადმი განწყობა არ შეიქმნა და ბავშვებს მოსმენა არ უნდა,

კრეტული საგნის სწავლა აღარ აინტერესებს. მან უნდა დაინახოს, რომ შენც განათლებული პიროვნება ხარ. ბავშვს ყოველ წამს რაღაც სიახლე აინტერესებს და ამაში აქტიურად და ღრმად უნდა ჩაერთო, უპასუხო. ამიტომ ცდილობს ნადია გუგუშვილი, გაკვეთილები გათანამედროვოს, სწავლების პროცესი საინტერესო გახადოს, მისი მოსწავლეები სკოლის გარე პროექტებშიც ჩართოს. სწორედ მისი მხარდაჭერითა და თანადგომით მიიღეს მონაწილეობა რეჟისორ სოსო სტურუას შემეცნებით ფილმ „ფარნავაზიდან“ გადაღებაში, სადაც ურთიერთობდა მოგვევლინენ. ფილმი ძველი წელთაღრიცხვის საქართველოს მეოთხე-მესამე საუკუნეებს მოიცავს, ფარნავაზის დაბადებამდე, ასევე, მისი მოღვაწეობის პერიოდს. მოსწავლეებმა ძალიან კარგად შეისწავლეს ამ პერიოდის ისტორია და ჩვენამდე მოიტანეს.

ახლა კი გთავაზობთ ამონარიდებს ამ რამდენიმე დღის წინ სკოლა-ლიცეუმ „მასტერკლასის“ მეხუთე და მეცხრე კლასებში თავისუფალ („მორჩინილი“) წუთებში ნადია მასწავლებლის თხოვნით დაწერილი თემიდან - „ჩემი თინეიჯერული წინასახალწლო განწყობა“, რომელიც ნადია გუგუშვილის ინტერნეტპოსტში წავიკითხე:  
„იმეც მომიწევს დავიწყებული პროდუქტის ამოსატანად ჩასვლა მაღაზიაში - ოცდამეოთხეტიმეტრ“;  
„ღედა ისევ იტყვის, წელს ბევრს არა-

ფერს ვაკეთებო და... ძალიან გრძელი სიით წავალთ მაღაზიაში“;  
„როცა სანტასი მჭეროდა, მაშინ უფრო მეხალისებოდა ახალი წელი“;  
„ყველაზე ძნელი ბოლო სამი საათის გაძლებაა, საჩუქრები რომ უნდა გახსნა“;  
„მინდა, სტუმრები მალე წავიდნენ და ჩემს ოჯახთან ერთად გემრიელად ვჭამო“;  
„რა მინდა? არაფერი არ მინდა, არაფერი მეხალისება“;  
„ადრე ბებია გოზინაცს აკეთებდა, მე ვუყურებდი, მივყავარა პატარა-პატარა ნაწილების მოტეხვა, ახლა ბებია აღარ აკეთებს - გოზინაცს ვყიდულობთ“;  
„წელს განსაკუთრებით მიხარია, რადგან შევექმენი მოწყობილობა, რომლითაც შევძლებ სანტას გამოჭერას“;  
„თინეიჯერობა, გარდატეხის ასაკი და ახალი წლის მოსვლა - ვერცერთს ვერ გვარძნობ, არ ვიცი, რა უნდა ვიგარძნო, ცოტა სიმძლავრეში მოვიმატე და ეგაა. წინასახალწლოდ ვფიქრობ, ყველაფერი ისე იქნება, როგორც აქამდე“;  
„მე ძალიან მიყვარს ახალი წლის მოსვლა, მიხარია, რომ ამ დღეს მამასაც სცალია და ყველანი ერთად ვართ“;  
„მამა ნაოსნობაშია. ვფიქრობ, რა კარგი იქნება, სიურპრიზი მოგვიწყოს და ნაძვის ხესთან დამალული დამხვდეს“;  
„ვერაფერს გვარძნობ, მაგრამ უნდა გავიღიმო, ვითომ მიხარია - დედას რომ არ ეწყინოს. კიდევ... ვფიქრობ იმას, რომ ძალიან მაგარი ვარ ფილოსოფიაში და ძალიან კარგი ლიტერატურული გემოვნება მაქვს...“  
ფეხბედნიერი ყოფილიყოს ჩვენი მომავალი თაობისთვის ახალი წელი, ყველასთვის, თითოეული ოჯახისთვის!

## სტუდია „ნიკეს“ წარმატება

მანანა პიპიშვილი 598 24 94 97

სამეგობრო სპორტული ცენტრის სტუდია „ნიკე“ 2016 წლიდან არსებობს. მათ უნარიანად ხელმძღვანელობენ პედაგოგები ნიკე კეშელავა და ანტონ ჩერუშვილი. ამ წლის განმავლობაში მათმა აღზრდილებმა არაერთ წარმატებას მიაღწიეს როგორც ქვეყნის მასშტაბით, ისე მის ფარგლებს გარეთ



ახლახან „ნიკეს“ აღსაზრდელებმა კიდევ ერთ მნიშვნელოვან, სამეგობრო სპორტული ცენტრების კონკურსში - „ჯორჯია ოუფენ“ მიიღეს მონაწილეობა, რომელიც თბილისში ჩატარდა. მასში, საქართველოს გარდა, სომხეთის, უკრაინისა და ბელარუსის მოცეკვავეები მონაწილეობდნენ.  
სტუდია „ნიკეს“ 25 მოცეკვავე იბრძოდა საპრიზო ადგილებისთვის. ისინი სხვადასხვა კატეგორიაში გამოდიოდნენ - მათ ბათუმში ცხრა თასი, ათი - ოქროს, ხუთი - ვერცხლის და ერთი ბრინჯაოს მედალი ჩამოიტანეს.  
„ნიკეს“ წარმომადგენლებიდან 21 მოცეკვავე გადავიდა ფინალში, ჩვენმა მოცეკვავეებმა 27 პირველი ხარისხის დიპლომიც დაიმსახურეს.  
ერთ-ერთი გამარჯვებული 12 წლის ლილე ჩართოლიანია. მან ოთხ ცეკვაში, რომელშიც 19 კონკურსანტი მონაწილეობდა, პირველი ადგილი აიღო, ხოლო ექვს ცეკვაში - მეორე.

## მითი და რეალობა - როგორ სვლავინ კატა-კურდღლის წელს?

შიპოია ღამჯამი 597 25 25 72

კატა-კურდღლის წელი, ზოდიაქოს სხვა ნიშნების მსგავსად, 12 წელიწადში ერთხელ დგება. უმეტეს ქვეყანაში 2023 წელს კურდღლის, ხოლო ზოგან კატის სახელწოდებით აღნიშნავენ. ორივე შემთხვევაში სიმყუდროვის, ჰარმონიის, სიმშვიდის წელიწადად მიიჩნევა. საზოგადოების ნაწილი ფიქრობს, რომ შავი კურდღლის წელს კომფორტულად, შინაურ გარემოში უნდა შეხვდნენ, სადაც ძირითადად, მეგობრების, ახლობლებისა და ოჯახის წევრების გარემოცვა იქნება. მთავარია, ამ წელს ადამიანები ერთმანეთის მიმართ მზიარულები და გულწრფელები იყვნენ.



ვინაიდან კურდღელი ფრთხილად და მშობიარა ცხოველად მიიჩნევა, დეტალების გათვალისწინება ყველაფერში აუცილებელია. არადა, ამბობენ, რომ ამ წელს დაბადებული ადამიანები დამოუკიდებლები და თავისუფლების მოყვარულები არიან. რა უნდა ვთქვათ თითო ახალი წლის დადგომამდე? - აღმოსავლური ტრადიციებით, სასურველია კურდღლის ფიგურის შექმნა, კარგი იქნება თუ ფიგურა ოქროსფერი იქნება და იგი მონეტებზე იჯდება. კიდევ უფრო რომ დაიმუხტოს დადებითი ენერგეტიკით, ფიგურა ისე უნდა დაიდგას, რომ მას მზის შუქი ეცემოდეს, ხოლო თუ ურთიერთობაში მოთმინებისა და კეთილგონიერების გამოჩენას მიიჩნევენ პრიორიტეტად, ასეთ შემთხვევაში კურდღლის ისეთი ფიგურის შექმნა სასურველია, რომელიც უკანა თათებზე დგას. ფინანსური წარმატებისთვის კი კურდღელს სტაფილო უნდა ეპიროს თათებით. ამ რჩევებს იმ ოფიციალ-

ურ ინფორმაციაში გვითხვობთ, სადაც ზოდიაქოების თვისებებზე ბევრს წერენ. რაც შეეხება ხალხში გავრცელებულ ჩვეულებებს, კურდღლის წელთან შესახვედრად კარგია სახეიმო სუფრის მორთვა სტაფილოსფერ ტონებში, ბეწვიანი გადასაფარებლები-სა და მორთულობების გამოყენება, სუფრაზე ისეთი კერძების სიმარტული, რაც კურდღელს უყვარს. ხალხში დამკვიდრებული შეხედულებით, კატა-კურდღლის წელი ფეხბედნიერი და წარმატებული იქნება. სინამდვილეში მთავარი განწყობაა და ის შინაგანი მდგომარეობა, რომელიც სახალწლო ფუსფუსისა და ახალი წლის დადგომის დროს გვექნება. ახლობლებისთვის საჩუქრების გადაცემა, გახარებული და ბედნიერი ბავშვები, მოხუცებისთვის მინიჭებული სიხარული, მივიწყებული შორეული ნათესავების მონახულება და ახლოს მყოფი მეგობრების კიდევ უფრო დაახლოება - აი, ესაა ნამდვილი ბედნიერება, რაც მთელი წლის განმავლობაში დადებით ენერჯიად ნაწილდება.

## გადაბარდება რუსეთი აზიში?.. თუმცა იქაც ვის დაჰკარბვია!

მანანა პიპიშვილი 598 24 94 97

აზიის კონფედერაციაში გადასვლის გადაწყვეტილება რუსეთის ფეხბურთის კავშირის აღმასკომმა ვერ მიიღო. ამ ნაბიჯის გადადგმის მიზანშეწონილობას სპეციალურად შექმნილი სამუშაო ჯგუფი 2023 წლის მარტამდე განსაზღვრავს. რუსეთის აზიის კონფედერაციაში მიღების წინააღმდეგია ავსტრალიის ფეხბურთის ფედერაციის ყოფილი აღმასრულებელი დირექტორი ბონიტა მერსიადესი.



„რუსეთის უეფაში ან აზიის კონფედერაციაში ყოფნა არავითარ როლს არ თამაშობს ძირითად საკითხში, რომელიც იმაში მდგომარეობს, რომ მათ უნდა აეკრძალოთ საერთაშორისო სპორტულ შეჯიბრებებში მონაწილეობა. ისინი ადამიანის უფლებებს და დადგენილ წესებს პატივს არ სცემენ. ამდენად, რუსეთმა საკუთარ თავს თავად ჩამოართვა უფლება, იყოს მსოფლიოს სპორტული თანამეგობრობის ნაწილი. მართებული იქნება ფიფას კითხვა დავუსვათ - აქამდე საერთოდ რატომ არ გარიცხეს თავისი რიგებიდან?“, - ციტირებს მერსიადესს „გარდიანი“.

## პუტინი ურანლისტებთან არ ისაუბრებს

მანანა პიპიშვილი 598 24 94 97

რუსეთის პრეზიდენტის სპიკერ დიმიტრი პესკოვის თქმით, გრიბისა და „კორონავირუსის მუტაციების“ გამო, პუტინი კიდევ დიდი ხანი არ ისაუბრებს ურანლისტებთან. „სიმართლე გითხრათ, არა მგონია, უახლოეს პერსპექტივაში ის [პუტინის მედიასთან საუბარი] ზუსტად ისეთივე იყოს, როგორც პანდემიამდე იყო. ასეთ პირობებში პრეზიდენტის ჩანმრთელობა სახელმწიფო უსაფრთხოების საკითხია, ამიტომ მოლოდინი, რომ მალე ისევე იქნება, როგორც ადრე, მცდარი იქნებოდა. გიპასუხებთ: არ იქნება“, - განაცხადა პესკოვმა.

მისი თქმით, „ამიდინარეობს კორონავირუსის მუტაციის პროცესები და გრიბის სხვადასხვა შტამის ძლიერი ეპიდემიოლოგიური ტალღები“, ამიტომ მათ, ვინც პასუხს აგებს პუტინის უსაფრთხოებასა და ჩანმრთელობაზე, „უსაფრთხოების ზომები“ უნდა მიიღონ.

ამირან გუგუშვილი ამირან გუგუშვილი

<p><b>მთავარი რედაქტორი</b></p> <p><b>მარიანა მითაიშვილი</b></p>	<p><b>გამომცემი რედაქტორი</b></p> <p><b>ირმა შერვაშიძე</b></p> <p><b>ლიტერატურული რედაქტორი</b></p> <p><b>ეთერ სომარიკი</b></p>	<p>რედაქცია პასუხს არ აგებს უცხოური პრესიდან თარგმნილი მასალების, ფაქტების, ინფორმაციის სიზუსტეზე, აგრეთვე სარეკლამო განცხადებების შინაარსსა და სტილზე.</p> <p><b>R</b> ნიშნით აღნიშნული სტატიები იბეჭდება რეკლამის უფლებით.</p> <p>რედაქციაში შემოსული მასალები ავტორებს არ უბრუნდებათ.</p>	<p><b>გამომცემი - შპს</b></p> <p>«ბანკიტი აჭარა ლა ალპარია»</p> <p><b>კომპიუტერული მომსახურება - შპს «კოლორ პრინი»</b></p> <p>მის: ქ. თბილისი, ქ. ბაგდავაძის ქ. №3</p>	<p><b>მისამართი: 6000, ბათუმი, გრიგოლშვილის ქ. №2</b></p> <p><b>ტელ: 27-13-31</b></p> <p><b>ინფო და აკრედიტაცია</b></p> <p><b>გაზეთი აჭარის კომ. ცენტრი</b></p> <p>დასაბუთავ ხელმოწერა 30/12/22, 23.10.სთ.</p>	<p><b>დირექტორი</b></p> <p><b>გამუკა გერიკი</b></p>
--	---	--	--	--	---





# ახალი წელი – თამარ გულავასთან

პირველი პატივსაცემი 27 48 93

ახალი წლის ტრადიცია საქართველოში მრავალფეროვანია და ქვეყნის ყოველი კუთხე განსხვავებულად აღნიშნავს. ახალი წლის ჯადოსნურ დღესასწაულზე და მის მნიშვნელობაზე გვესაუბრა აჭარის განათლების, კულტურისა და სპორტის სამინისტროს კულტურის დეპარტამენტის უფროსი თამარ გულავას



ჩვენი ტრადიციულად, დედა და ბებია აკეთებდნენ მეგრულ კერძებს, აუცილებლად უნდა ყოფილიყო მეგრული საცივი, რომი, მეგრული სამზარეულოსთვის დამახასიათებელი სხვა კერძები, რომლებსაც მეც, არცთუ ისე ცუდად ვაკეთებ. ახლა ვისწავლე ქობულეთური „იახნის“ ვაკეთება, რაც შეე-

მატა ჩემს სახალწლო სუფრას. კერძების მომზადება ვიცი, მაგრამ რომ გითხრა, მე ვაკეთებ, მოგატყუებ, ჩემი დედამთელი ყველაფერს გაკეთებულს გვახვედრებს, მაღლობა მას ამისთვის, მე მხოლოდ ვაფორმებ სუფრას. ჩემი კერძიც მაქვს სახალწლო სუფრაზე. ყველაზე უკეთ ვფიქრობ „იახნს“ ვამზადებ, თუმცა იმის თქმას ვერ გაგებდავ, რომ ქობულეთელებზე უკეთ გამოდის. დედის უნიკალური ხაჭაპურის რეცეპტი მაქვს, თუმცა ახლა ჩაენაცვლა ჩემი დედამთლის ხაჭაპური - თხელი და გემრიელი, არ ვიცი, როგორ ახერხებს ასეთის მომზადებას, მეც მაქვს მცდელობა, რის გამოც შეილებსგან მოთხოვნა მივიღე - „მასტერ შეფში“ მივიღო მონაწილეობა.

**ახალი წლის მთავარ ატრიბუტს - ნაძვის ხეს რაც შეეხება, თუ გიყვართ მისი მორთვა და რამდენად ხართ ამ პროცესში ჩართული?**

ძალიან მიყვარს ნაძვის ხის მორთვა შეილებთან ერთად, თვითონ ამზადებენ სათამაშოებს და მიყვარს ამ პროცესის ყურება, ძალიან ხელმარტვე გოგონები მყავს, განსაკუთრებით ანანო, ხატავს არაჩვეულებრივად, ნია მისი ინსტრუქციებით ხელმძღვანელობს. მათი ხელნაკეთი სათამაშოები ბევრი მაქვს და ვინახავ, თუმცა ახლებსაც ვყიდულობ. ბავშვობიდან გვეუბნებოდა დედა, რომ ყველა წელს ერთი ახალი სათამაშო მაინც უნდა შეგვეძინა, რაც აუცილებელი პირობა იყო.

**როგორი წელი იყო თქვენთვის 2022 და რას ელოდებით 2023 წლისა?**

ძალიან საინტერესო და დატვირთული

წელი იყო. პანდემიის მერე ბევრი სახალწლო გვექონდა რეგიონში კულტურის მიმართულებით, მაგრამ მაინც მთავარია, ჯანმრთელად გვეყავდეს ოჯახის წევრები, ახლობლები, მეგობრები... მიუხედავად პირადი სიკეთებისა, გლობალურად რთული წელი იყო, რა თქმა უნდა, ყველაზე მოქმედებს უკრაინაში მიმდინარე ომი. 21-ე საუკუნეში აღარ უნდა ხდებოდეს ასეთი საშინელება. დაე, მშვიდობა იყოს მთელ პლანეტაზე, მინდა, ვხედავდეთ ირგვლივ ჯანმრთელ და ბედნიერ ადამიანებს, დანარჩენი ყველაფერი იქნება. მინდა ჩემთვის განსაკუთრებით საყვარელ გაზეთ „აჭარას“ მივულოცო 2023 წლის მიზრძახება, საყვარელი - არაერთი მიზეზის გამო. ხელოვნების უნივერსიტეტში ტელერედაქციურ-ნაოლისტიკის ფაკულტეტზე სწავლის პერიოდში ჩემი პირველი წერილი სწორედ გაზეთ „აჭარაში“ დაიბეჭდა და პირველი ხელფასიც - 50 ლარი აქ ავიღე. იმ დროს სტუდენტისთვის ამ საკმაოდ დიდი თანხით მოვახერხე საკაულის ყიდვა, რომელიც დღესაც მაქვს შენახული და როცა შევხედავ, ჩემს პირველ პუბლიკაციასა და პირველ გასამრჩელოს მაგონებს. სწორედ ამიტომ „აჭარა“ ჩემთვის მართო ძალიან საყვარელი გაზეთი კი არა, ადამიანებია, რომლებმაც მაგრძობინეს, რომ რაღაც საინტერესოს კეთება შემეძლია, უნარი მაქვს, ისეთი რამ დავწერო, რომელსაც ინტერესით წაიკითხავენ... ის, რომ ამ გაზეთს საუკუნოვანი ისტორია აქვს, იმას ნიშნავს, რომ კიდევ დიდხანს უნდა იცოცხლოს. ვუსურვებ ბევრ ერთგულ მკითხველს, საქმეზე შეყვარებულ ყურნალისტებს. ბევრი სასიამოვნო ამბავი მოხდეს ქვეყანაში, რათა გეწეროთ კარგ ისტორიებზე, სახალწოებზე, ბედნიერ და წარმატებულ ადამიანებზე!

## როგორ ხვდებიან ახალ წელს ახალგაზრდები და სჯერათ თუ არა ამ დღის ჯადოსნურობის?

ანა აბულაძე 577 20 35 90

ახალი წელი თითქმის ყველა ახალგაზრდას უყვარს, თუმცა ჩემ მიერ ქუჩაში, შემთხვევითობის პრინციპით გამოკითხულ ახალგაზრდებს შორის აღმოჩნდნენ ისეთებიც, რომლებიც თვლიან, რომ პირველი იანვარი ერთი ჩვეულებრივი, რიგითი დღეა

მათი არგუმენტი დაახლოებით ასეთია: „თუ შინაგანად მეზვიებდა ან არ მეზვიებდა, გარეთ რა დღეა, არსებითი მნიშვნელობა არ აქვს“. მიუხედავად ამისა ახალი წელი ადამიანებისთვის ახალთა ასოცირდება. ყველა ცდილობს, რაღაც განსაკუთრებული სიხოვოს ღმერთს, ბავშვების შემთხვევაში - თოვლის ბაბუას, რადგან დარწმუნებულები არიან, რომ სურვილი შეუსრულდებათ. ჩვენი საყვარელი ბებია-ბაბუებიც ხომ იმას გვეუბნებოდნენ, ახალ წელს ჯადოსნური ძალა აქვსო. მასხოვს, როგორ ვდგებოდი ბავშვობაში ფანჯარასთან, ვხუჭავდი თვლებს და პირველ რიგში, იმ სურვილს ჩავიფიქრებდი, რომლის ახდენაც უფრო სწრაფად მსურდა. იმდენად მწამდა ახალი წლის ჯადოსნური ღამის, რომ ყველა სურვილი მთელი წლის განმავლობაში მართლა მისრულდებოდა.

რისი სჯერათ ახალგაზრდებს, როგორ ხვდებიან ახალ წელს და აქვთ თუ არა რაიმე ტრადიცია, რომელსაც ახალ წელს უკავშირებენ?

**ანა ბერიძე, 14 წლის:**  
- ძალიან მიყვარს ახალი წელი. მიუხედავად იმისა, რომ გავიზარდე და ვიცი, თოვლის ბაბუა არ არსებობს, მშობლებთან დღემდე არ ვაღიარებ ამას, ვწერ სურვილებს და ფანჯარასთან ვტოვებ. ჭერჭერობით არც მშო-

ბლებს სურთ, გამომხილონ რეალობა ან შესაძლოა, იციან კიდევ, რომ ვხვდები, მაგრამ როგორც მე, ისინიც თანაშობენ და ეს ძალიან მომწონს. ახალ წელს, ბიძაშვილებთან ერთად, სახლში ვხვდები, ერთ ეზოში ვცხობოვრობთ და ყოველთვის ერთად ვართ. 12 საათის დადგომისთანავე ერთმანეთს მაგრად ვჭიდებთ ხელს და სურვილებს ჩავიფიქრებთ. მინდა გითხრა, რომ ყველა სურვილი ამხდა. რისიც ძალიან გჯერა, ის აუცილებლად აგხდება. წელს მინდა, თოვლის ბაბუამ ძალიან მაჩუქოს - თეთრი, ფუმფულა, პატარა ძაღლი, რომელიც ძალიან მეყვარება და როგორც საკუთარ თავს, ისე მოუყვლი. ყველა ჩემს თანატოლს ვულოცავ შობა-ახალ წელს, აგსრულებოდეთ ყველა ჩანაფიქრი.

**ბამა დინასიძე, 20 წლის:**  
- ახალ წელს ახალი ემოციები მაქვს ჩემთვის. ძალიან მიყვარს და ვცდილობ, ამ დღეს პოზიტიურ განწყობაზე ვიყო. სამი წელია, მეგობრები ქალაქგარეთ სახლს ვეძიებთ და ერთად ვატარებთ დღეებს. „სეკრეტ სანტას“ ვთამაშობთ და, შესაბამისად, საჩუქრებს ვახვედრებთ ერთმანეთს, რაც ძალიან ფერად გაცდებთანა დაკავშირებული. როგორც ბავშვობაში, ახლაც მჯერა, რომ ახალი წლის დღე ჯადოსნურია, განსაკუთრებული ენერჯეტიკის და როგორც ვატარებ, დაახლოებით ისეთი წელი გექნება, ამიტომ ვცდილობ, დადებითი ენერჯით ავივსო და ავაგსო ირგვლივ მყოფებიც. დამდეგს გილოცავთ ყველას, უკეთეს ქვეყანაში გვეცხოვროს, საიდანაც წასვლა არასდროს მოგვინდებოდა ახალგაზრდებს. მინდა, საქართველოში შექმნილი ჩვენი ნიჭისა და შესაძლებლობების

რეალიზება - პირველ რიგში, აქ უნდა ვიყოთ წარმატებულები და ბედნიერები.

**ლაშა ბოლქვაძე, 21 წლის:**

- მინდა, ყველა ქართველი მივულოცო დამდეგი შობა-ახალი წელი და ყველა მიმართულებით წარმატებულ ვუსურვო ჩემს ქვეყანას. მართალი გითხრა, ახალი წელი არ არის ის დღე, რომელიც განსაკუთრებულად მიყვარს. თუ შინაგანად ბედნიერი ხარ, დღეს არ აქვს მნიშვნელობა, თანაც, ყოველ ახალ წელს ვაცნობიერებ, რა სწრაფად გავიდა კიდევ ერთი წელი, რომელიც შესაძლოა, ვერ გამოვიყენე ისე ნაყოფიერად, როგორც უნდა გამოვიყენებინა. მინდა, ირგვლივ არაფის შიოდეს, ციოდეს და, ალბათ, მაშინ ვიქნები უფრო ბედნიერი ახალ წელსაც და სხვა დღეებშიც. ვისურვებ ქვეყნის ეკონომიკურად გაძლიერებას, რომ ახალგაზრდებს გვექონდეს იმდენი ხელფასი, ელემენტარული სურვილები დაეკმაყოფილოთ, მკირე საჩუქრებით მაინც გავახაროთ დედა, მამა, და, ძმა, შეყვარებული... როცა ამის საშუალება არ გექვს, მიუხედავად იმისა, რომ თავდაუზოგავად შრომობ, მომიტვეთ, მაგრამ არც ახალი წელი მეხალისება. ვულოცავ ჩემს ბათუმს, ბათუმელებს, ქვეყანას და ვისურვებ, საქართველოში თითოეულმა მოქალაქემ თავი ღირსეულად იგრძნოს.

**მარინა პაპალაძე, 24 წლის:**

- ტრადიციად გვაქვს სამეზობლოს - ყველას ოჯახში შევდივართ და ვულოცავთ ახალ წელს. მომწონს ეს, საოცარი ძალა აქვს საზეიმო განწყობის ერთმანეთისთვის გაზიარებას. მიყვარს ახალი წელი, მეც და ჩემი შეილებიც საზეიმო სამოსს ვიცვამთ და გვჯერა, მთელი



წელი ბედნიერები და გახარებულები ვიქნებით. გილოცავთ! ბედნიერების, სხავის, სიკეთისა და მეტი სიყვარულის მომტანი ყოფილიყო 2023 წელი თითოეული თქვენგანისთვის.

**ზაზა ცინცაძე, 17 წლის:**

- დაგეგმილი მაქვს, ახალ წელს მეგობრებთან ერთად რესტორანში შევხვდეთ. რადგან ამ დღეს ზემოთ მთელ ქვეყანაში, მეც მინდა შევუერთდე ზოგად განწყობას, თუმცა ვერ ვიტყვი, რომ ჩემს დაბადების დღეზე მეტად მიყვარს. რაიმე განსაკუთრებული რიტუალი არ მაქვს. მიმანია, რომ სურვილების შესრულება ჩვენს შრომაზე და მოკიდებული, ლანგრით მორთილულს არავფერს ველი. რეალისტურ ვიყავი და ვარ, არ მჯერა ცის გახსნის, მეტიც, მეღიმიება კიდევ იმათზე, ვისაც სჯერა, თუმცა, ადამიანები იმდენად ვართ განსხვავებულები, რომ გავაჩინა საკუთარი აზრი, რწმენა, მოვლენებისადმი დამოკიდებულება.

**თამაზ შაინიძე, 24 წლის:**

- ძალიან მიყვარს ახალი წელი და მჯერა, ამ დღეს ჩავიქრებული ყველა ნატვრა ამხდება. ერთ საიდუმლოს გავიმხელთ: შარშან ბებომ ძალდატანებით მიმიჩინა ადგილი მაგიდის ქვეშ და მითხრა, ოჯახის შექმნა ჩამეფიქრებინა. რა თქმა უნდა, ბებოს არ ვაწყენინე, 12 საათამდე რამდენიმე წამით აღრე მოკალათი მაგიდის ქვეშ და დავაღებელი სურვილი ჩავიფიქრე. არ ვიცი, დამთხვევა იყო თუ არა, მაგრამ იმ წელსვე ვიპოვე გულისწორი და დღეს ბედნიერი ვხვდებით 2023 წელს. აგსრულებოდეთ ყველა ჩანაფიქრი, ჯანმრთელები და ბედნიერები ყოფილიყავით.

გაზეთი „აჭარა“ გილოცავთ დამდეგ 2023 წელს, ვისურვებთ წარმატებით აღსავსე, ბედნიერ ცხოვრებას. ვიბრძობოთ იმისათვის, რომ ვიცხოვროთ ბევრად ძლიერ, ეკონომიკურად წელში გამართულ ქვეყანაში, სადაც საქართველოს ყველა მოქალაქე თავს დაცულად და ღირსეულად იგრძნობს, სადაც თითოეული ემიგრანტი სიხარულით დაბრუნდება და სამშობლოშივე შექმნის დოვლათს.

